





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.529



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.529



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.529



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.529

2. 6. 529

SANCTI LAVRENTII
AD PVTEVM
PRESBYTERI, ET MARTYRIS,
NOVARIENSIVM APOSTOLI,

Agnomento Melliflui

Homilia

De Chanaanæ


Addenda reliquis de Pœnitentia, & de Eleemosyna pœnes
Novariam Sacr. Venerab. Ill.^{mi}, ac Reu.^{mi} D.D. Caroli
à Basilicæ petri fel. record. Episcopi Novariensis.

Ad Perill. & R.^{mum} D.D. 202

IO. FRANCISCVM PISANVM

S.T. ac I. V. D. de Coll. Vigleuani, Prothonot.
Apostolicum, Canonicum Ordin. Theo-
logum Eccl. Cathedralis Novariæ,
S. Officij Consultorem,

Et olim trium Episcoporum Vigleuanensium
Vicarium Generalem, Nunciaturę Apostol.
apud Heluetios, & Rhetos Auditorem
Generalem, ac Internuncium.



MEDIOLANI Ex Ædibus Ghisulphianis. 1692.

Superiorum per missu.



2
6
529

202

SAINTI LAURENTII
AD PVTEM
PRESBYTERI ET MARTYRI


IMPRIMATUR

Fr. Michael Seraphinus Angelarius Sac. Th. Magist. & Commiss.
S. Officij Mediolani.

Bartholomeus Crassus pro Eminentiss. D. D. Card. Vicecomite
Archiep.

Franciscus Arbona pro Excellentiss. Senatu.

IO. FRANCISCVM PISANVM
S. T. et V. D. de Coll. Vigliani, Prothonot.
Apostolicum, Canonicum Ordin. Theo-
logum Eccl. Cathedralis Novaris.
S. Officij Consultorem.
Et olim etiam Prothonotarium Vigliancensium
Vicarium Generalem Nunciatum Apostol.
apud Helvetios, & Rhetos Auditorem
Generalem, ac Inter-nuncium.



MEDIOLANI Ex Aedibus G. B. P. 1802.

2.6.529

IO. FRANCISCO PISANO

Lazarus Augustinus Cotta I. C.

S. P. D.



Siquid ornamenti (clarissime, ac religiosissime Vir) fas est superaddere, Ecclesiæ Nouariensi quamquam undique refulgenti, ac ditioribus corollis à Venerab. & eruditissimo Carolo Episcopo nostro redimite, ad te monile aureum (seu maioris adamantum aceruum, sed affabrè perpolitum, & prope diuino artificio contextum, & elaboratum) mitto inter illius venustiora decorare recondendum. Opificem suspicias Sanctum nostrum Mellisuum Laurentium ad Puteum, quem tu summa religione præ ceteris clientulis veneraris, emuloq; pietatis estu percitus una cum Collegis tuis Casato, qui cultum erga tantum patronum instaurauit, Nazario, qui ardentius, ac mirum in modum fouet, & imo cum Balioto Apostoli nostri religiosissimo declamatore, & præcone, totq; alijs cum Ciuibus Nouariensibus decorare, omniq; conatu, & studio laudari, euehi, extolli incessantèr contendis. Monile hoc nuper reeffossum, & hætenus paucis notum, publicè spectandum proponas, vt in rediuiuo Laurentij nostri monumento Ecclesiæ Nouariensis gaudia reuiuiscant. Vale. Ex Opido Ameno in Riparia S. Iulij Diœc. Nouariæ Cal. Septembr. MDCLXLII.

A 2

AD

A D L E C T O R E M

Nonnulla

De S. Laurentio ad Puteum Presbytero, &
Martyre, ac Nouariensium Apostolo*Lazarus Augustinus Cotta I. C.
ex suo Museo Nouariensi MS.*

Andem aliquando, fauente Deo, in lucem denuo prodijt tractatus ille de Chananæa per S. Laurentium Presb., & Martyrem Nouariensem conscriptus, quem frustra conquisiuit, ac temporum calamitate deletum putauit, ingemuitq; Venerab. Carolus (1) Episcopus noster ea ad id suauis historia, qua inter sacra à priscis vsq; temporibus Diuo nostro recitari solita tradebatur, hoc opusculum perijisse. Gratia à Nouariensibus, imò & toto Christiano orbe agenda sunt R. P. Ioanni Mabylonio (2) Monacho Benedictino, Gallo, viro tum religiosissimo, tum solertissimo huiusmodi antiquitatum efossori, qui eum tractatum superioribus annis è Codice MS. Corbeiensi Germano eductum in publicam vtilitatem restituit secundò; satis enim indicant Franciscus Iuretus, (3) Iulius Cæsar Bulengerus (4), ac Franciscus Amaya (5) qui iam dudum vixere, & vna cum alijs Sanctum nostrum faciunt Eiscopum Mediolanensem, typis ante ann. 1598. fuisse editum.

Laurentius igitur, quem ex Hyspania profectum contendunt Ioannes Tamayus Salazar (6) Laurentius de la Barra (7) & Aulus Halus (8) floruit Nouariæ in Insubribus circa dimidium sæculi Christiani Quarti. Ut
pote

1. A Basilica Petri Nouar. pag. 235.

Officium proprium S. Laur. Noct. 2. lect. 4. pœnes eundem in Script. p. 409.

2. To. II. Analector. (Paris. 1676) ex quo hæc Homilia desumitur.

3. Miscellan. ad Epist. Symmachi 65. lib. 5. pag. 164.

4. De Imperat. Rom. lib. 9. c. 3. pag. 693. lit. E.

5. Leg. 2. Cod. De exactorib. tribut. n. 7. lib. 10.

6. Tom. 2. Martyrolog. in fin.

7. Hist. Christ. pag. 338.

8. Penes Salazar.

pote Doctor eximius, & callens linguam Hebraicam, Chaldaicam, Græcam, & Latinam, Sanctum Gaudentium, qui primus Nouariensis Antistes factus est, religiosi præceptis, sacra doctrina, & sacerdotali virtute instituit. Christianæ disciplinæ propagandæ curam in ea vrbe sustinuit, Orthodoxos firmavit, erudijq; residues Idolatras ad Christianam Religionem conuertere studuit, editis etiam tractatibus infra scriptis. Die xxx. Aprilis an. 363. (iuxta veriorcm supputationem, quam diligentissimus *Balotus* (9) reiecto *Riccicolo*, (10) exarauit) gladio percussus martyrio (11) vna cū pueris, quos per se ipsū baptismate initiatos in vrbe reducebat, coronatur extra mœnia in campo Candido: corpora proieciuntur in puteum in campo Hordeali. De illius vita scripserunt etiam *Mombritius*, *Ferrarius*, *Bollandus Gallestinus*, *Plotus*, *Petrus de Natalibus*, *Baronius*, *Sessallus* præter supra relatos, ac alios, quos congegit *Petrus Paulus Casatus* (12) Ecclesiæ Cathedralis Nouariæ Canonicus.

De ipsius scriptis alia testimonia.

Anonymus (13) Nouariensis, quem cæteris S. Laurentij encomiastis antiquiorem puto, ait: *Beatus vero Laurentius Doctor Egregius non tantum verbis prædicando, verum etiam scriptis, & quibusdam expositi onibus Evangeliorum luculentè editis suorum corda auditorum irradiabat. Quod testatur ille ab eo de Chananaea Sermo factus, vbi satis datur intelligi, quantum ipse facundiæ, eloquentiæ, ac literaturæ solertia, & disciplina pernitebat.*

Sigebertus (14) Monachus Gēblacensis, qui floruit circa an. 1100. hæc habet: *Laurentius Mellifluus scripsit librum de duobus temporibus, id est vno ab Adam vsq; ad Christum; altero à Christo vsq; ad finem sæculi. Declamauit etiam Homilias ore quasi mellito, vnde agnominatur Mellifluus.*

Lucas Contilis (15) cum anno 1558. 30. Nouembris scriberet ad Guilielmum Præfectum Bibliothecæ Pontificiæ, hæc per nos latina facta protulit:

9. In Vita S. Laurentij, & in S. Gaudentij hist.
 10. Chronolog. Ref. to. 3. pag. 253. ad an. 365.
 11. Martyrium Sancti nostri Apostoli carmine celebratur à Gregorio Bulzio in Larario Poet. to. 1. pag. 269.
 12. Le prone dell'istoria dipinta ne quadri di S. Lorenzo al Pozzo, seu probationes Historiæ Iconologicæ S. Laurentij ad Puteum.
 13. Anonym. Nouarien in Pass. S. Laur. ex Arch. Canonic. Eccl. Cath. Nou.
 14. De Viris Illustrib. cap. 120.
 15. Epist. vol. 1. lib. 2. pag. mihi 178.
- À Basilica Petri in Præfat. ad Homil. S. Laurentij, vbi firmatur, nunquam ipsum Laurentium ad Episcopatum fuisse euectum.

tulit: *Anguisciola exhibuit Academia Veneta tractatum de Pœnitentia, & de Eleemosyna Sancti Laurentij Presbyteri Nouariensis vrgens, vt castigatior reimprimatur, nuncupeturq; &c.* Hinc notatu dignum puto, Laurentium non Episcopum, sed Presbyterum dici à Contile viro summæ eruditionis: eas Laurentij Homilias iam dudum ante an. 1558. fuisse typis impressas, sed vbinam, inuenire non potui: & demum à primo editore scitè fuisse illis nomen Episcopi deletum.

Antonius Possewinus (16) scripsit: *Atqui, & Homiliae duæ extant eiusdem, qui fuit etiam Nouariensis Episcopus, de Pœnitentia, & Eleemosyna: Romanū vero Martyrologiū pridie Kal. May meminit Laurentij Presbyteri Nouariensis &c.* Num vero idem sit cum Laurentio Mellifluo, incertum.

Aubertus (17) Miræus: *Laurentius Nouariensis Episcopus scripsit Homilias duas &c. vnā de Pœnitentia, & alteram de Eleemosyna, quæ extant to. 6. Biblioth. PP. editionis Colonienfis. Sunt qui conijciunt, ipsum ex Nouariensi Episcopo sub annum Christi quingentesimum septimum creatum esse Mediolani Archiepiscopum, ipsumq; laudari ab Ennodio Ticinensi in Dictione missa Honorato Nouariensi Episcopo, cum Basilica Apostolorum dedicaretur.*

Ioannes Mabylon (18) nunquam satis laudatus hæc subnectit adnotationes. *Laurentius Episcopus, cuius libellum, seu homiliam mox retuli ex MS. Codice Germanensi, is est, quem laudat Sigebertus Gemblacensis Monachus. Laurentij liber de duobus temporibus typis vulgatus est in to. 6. Bibl. PP. prefixo hoc titulo: Sancti Laurentij Episcopi Nouarum Homilia de Pœnitentia; quæ homilia in exemplari nostro subiicitur superiori libro, seu homilia cum hac inscriptione: Incipit liber secundus S. Laurentij de duobus temporibus. Duo sunt tempora ab Altissimo præstituta &c. Nemo igitur ambigere debet, eum esse Laurentium, qui Sigeberto cognominatur Mellifluus, quiq; vtriusq; libri, seu homiliae est auctor. At quis iste Laurentius Episcopus? Margarinus Binæus suspicatur, esse Laurentium priorem, qui ex Episcopo Nouariensi factus sit Mediolanensis Episcopus XXVI. ad annum Christi 507. cuius encomia videbatur celebrare Ennodius Ticinensis Episcopus in Dictione missa Honorato Nouariensi in Dedicacione Basilicæ Apostolorum. Binæo facili assentio quibusdam adductis coniecturis, quæ tum ex libris, seu sermone (de Chanaanæ) hic edo, tum ex Ennodij Dictione prima in Natali Laurentij Episcopi Mediolanensis desumuntur. Laurentius quippe in Sermone de Chanaanæ, quem de nocte in foro habuit, mentionem facit quorundam aduersariorum suorum, quorum improbitate non solum ipse vexatus sit, sed*

16. Sac. Appar. to. 2. pag. 332.

17. In Auctar. de Scriptorib. Eccl.asticis. cap. 119.

18. To. 2. Analektor pag. 8.

etiam

etiam alij partium ipsius fautores. Atqui Ennodius in *Diſtione prima* Laurentium laudat ob patientiam malorum, quæ ipſi ex aduerſariorum ſæctione ſemel, & iterum contigerunt: Primum quidem cum ab hoſtibus expugnata Ciuitate inter ſuas, & populi iniurias ſtetit infraſſus, tum in exilium miſſus, ac demum vrbi ſuæ redditus eſt: deinde vero cum Romani in Synodum accitus an. 502. pro abſolutione ſymmachi Papæ, aduerſantium procellas ſuſtinuit. Expugnatio illa, & direptio vrbis Mediolanenſis, ſimulq; Laurentij exilium contingere per Odoacrem, vti Sirmondus opinatur, quando Tuſa duce aduerſus Theodoricum Oſtrogothorum Regem rebellauit. Theodorico victoria potito, Laurentius Mediolanum redijt, urbemq; ex priſtinis ærumnis recreauit: Tum vero ſuperiorem homiliã de Muliere Chananæa habuiſſe mihi videtur: cuius reditum ita celebrat Ennodius in *Diſtione prima*. Cum ex alto &c. Melliflui etiam nomen quadamtenus inferius indicat Ennodius, vbi ait; Laurentium in Synodo Romanaminantium impetus blandimentorum melle domuiſſe. Porro in homilijs ſuis Laurentius in id potiffimum incumbit, vt peccatoribus fiduciam obtinendã à Deo remiſſionis impetrent; ſicq; de Pœnitentia loquitur, ingeneret

Casimirus Oudin (19) ſub ſæculo v. ait: Laurentius Nouarienſis Episcopus cognomento Mellifluus, de quo Sigebertus. Sunt qui conijciunt, ipſum ex Nouarienſi Episcopo ſub annum Chriſti 507. creatum eſſe Mediolani Archiepiſtopum, ipſumq; laudari ab Ennodio Ticinenſi Episcopo, cum Baſilica Apoſtolorum de dicaretur. Hoc autem certum non eſt, ſoliſque, & infirmis nititur coniecturis. Floruit circa annum 510. & vltra forſitan ad an. 520. ſcripſitq; librum de duobus temporibus, ſeu de Pœnitentia, & Eleemoſyna Homilias duas &c. Item Homiliã de Muliere Chananæa, quam è MS. Corbeiienſi eduxit Io: Mabylon.

Ludovicus Bail. (20) inquit: Circa annum 507 florebat Laurentius Episcopus Nouarienſis, cuius extant duæ Homiliæ de Pœnit. & Eleemoſ. vtraque venuſti eloquij, & turgida figuris, & floribus Rethoricis.

Joſeph Maria de Nouaria (qui & Philippus Balotus (21) Nouarienſis vir ſummæ eruditionis, ac rerum Nouarienſium accuratior inueſtigatō in hunc ſenſum materno idiomate: Sacrarum, ac humaniorum literarum peritiſſimus habebatur Laurentius: hoc nobis ſatis teſtantur ea laudes, quibus ipſius opera in priſcis monumentis celebrari, ac inter ſacra olim à

No-

19. Supplement. de Scriptorib. Eccl. pag. 106.

20. Bibl. Concion. pag. 239.

21. Joſeph Maria Balotus ex Ordine Capucinorum, (qui mirus Orator, & æquæ propriæ laudis mirus contemptor, ſub nomine Philippi genitoris ſui proprias euulgat lucubrationes) Vita S. Gaud. lib. 1. c. 9. & biſt. S. Laurentij.

Nouariensibus recitari solita, nouimus. Cetera inter peculiari illud excipitur plausu, quod de Euangelica Chananæa enulgauit, quodue cen vberrimus cælestis virtutis, ac doctrina fons ijs sæculis in pretio erat. Verum temporis iniuria tantum thesaurum vna cum tot alijs exhaustit &c. Duae adhuc supersunt Homiliae, de Pœnitentia, & de Eleemosyna, quas Binaeus &c. Improbabat & ipse Binaeus, & quotquot Laurentium Antistitem & Nouariensem, & Mediolanensem faciunt, idemq; alibi reperit nos commonefaciens, Homiliam de pœnitentia emissam fuisse à Laurentio ad retundendam hæresim tunc grassantem, qua Luciferiani asserabant, Christifideles in idolatriam reciduos ad sinum Ecclesiæ minimè recipiendos quamuis pœnitentes: alteram verò de Eleemosyna, ad eos subleuandos, quos impia Constantij edicta in Catholicam Religionem recrudescencia depauperabant omninò.

Iterum idem *Balotus*, qui visa hac mea collectione insequentem intexiuit Microparænesim.

Mirum, quantis in Apostoli nostri Laurentij laudibus se effundant scriptores tam vetusti, quam recentiores, quotquot in eruditissimaseius lucubrationes inciderint: eas sane tum roscidi mellis profluuiò irriguas, tum selectioribus Rhetorum flosculis excultas, tum etiam omni verborum elegantia vernantes sonore deprædicant; & propterea non nisi cum maxima animi voluptate dulciloquium illud legi posse fatentur. Plerique tamen sunt, qui aut circa eius personam foedè hallucinantur, aut à sæculo, in quo is floruit, longè nimis aberrant, quam ferri possit; dum vel Nouariensem Episcopum, vel, quod vtique magis dissonum, inde ad Mediolanensem Archiepiscopatum euectum autumant leuissima, ac planè futili coniecturatione abducti, quin prorsus & nulla. Certè *Margarinus Binaeus* dum inter præclariora Bibliothecæ suæ Veterum Patrum monumenta celeberrimas, & iuremeritò laudatissimas eiusdem homilias interferit, Episcopum Nouariæ liberè nimis inclamat. Hunc sequutus, vt cæcus cæco fidens, is quicumque fuerit, qui nostris hisce diebus Bibliothecam eandem longè ditiores factam mirificè propagauit in sæcula, velut in tomos dissectam, ipse quoque Nouariæ Episcopum (typographorum incuria, Nouariū legitur) fidentius enuntiat. Sed perperam, & oscitantèr prolaturum, cum incomperito sit, & extra omnem dubitationem vacet, nullum ibi penitus Episcopum fuisse, cum hæc Laurentius excribebat: immo ne quidem vllatenus esse potuisset, vbi Idolorum, & peculiaritèr pro Nouariensibus profanus Mausoleorum cultus vnicè vigeat, & pœne inuincibilitèr. Prima Euangelij semina illic per D. Apostolum Barnabam fata, terrifica, & iugi Ethnicorū præporentium violentia, velut subluxuriantium spinarum

rum exuberantia prope suffocata exarueret. Nec ab ijs Barnabæ primordijs ullum exinde Christiani nominis vestigium vix reperias usque ad Laurentium: nisi fortasse in S. Zephyrini Papæ, & Martyris, Cuius, & Patritij Nouariensis augusta memoria. Is oppido, quidpiam religionis superfuisse, euincit, sed modicum planè, & velut furtim ferocienti perniciæ subreptum; quippe Zephyrinus cum patre Abundio (ex Abundiorum scilicet clarissima, & Patria stirpe Nouariensi nostro hoc seculo tantùm excisa) vt Christi fidem sartam, rectam seruaret, vltro è patria exulare, & Romam tanquam ad veræ Religionis caput, & magistram se subducere coactus sit. Ibi iure ciuitatis vtens, qua passim gaudebant Patritij Nouarienses tanquam Romani Municipes (vt ex *Corn. Tacito*, alijsque huius notæ scriptoribus liquidò constat) idcirco Romanus vulgo vocitatus est. Nec omninò dissentiam appellationi; eo namque, prorsus modo & Apostolus Paulus (22) se Ciuem Romanum audentiùs deprædicat, dum apud Tribunal Ierosolymis, & Philippis iterum altè, & sonorè conquestus est de illata contumelia, & iniuriosa, nec vllatenus ferenda Ciuì Romano originario; qui tamen se Tarsis natum, & Ierosolymis educatū liberè fassus est gloriàtèr, ex patriæ priuilegio gaudebat honorari vt Ciuis Romanus ex origine tanquam non ignotæ vrbis municeps, vt idem de se ipso proloquitur. Hoc & plurimi fecerant, quod & in Zephyrino videre est; Romanus itaque vocitatur, cum aliquin Ciuis, & Patritius Nouariæ nobilissima ex prosapia ortus sit, postea Clero Romano ascitus.

Ceterū Laurētius noster eximij nominis Doctor Nouariā appulsus inter continuas, easque acerrimas procellas, & tæpestates diu iactatus, quas idem ipse commemorat, demum inimicorum Euangelij gladijs, quos fortiter eluctans euincere nitebatur, occubuit; dehinc in puteum abiectus: vnde sibi nomen inditum Laurentij ad puteum, neutiquam infusa Pontificali, sed benè martyrum laurea decoratus. Veriùs ab omnibus vno ore, & pro summa laude primariorum vrbis huiusce Episcoporum emeritus Magister, & institutor dictus est, scilicet sanctissimi Protopastoris nostri Gaudentij, eiusque successoris Agabij, quos velut præcipuos, & primitiuos lapides in fundamentis iecerat huius structuræ. Non itaque Episcopus, sed Episcoporum Pater, & antelucanus præco in hac Ecclesia dicendus venit pro sua dignitate.

In peius tamen impingunt, qui eundem ad Mediolanensem Archiepiscopatum transisse comminiscuntur: eò abducti, quod D. Ennodium in laudationes effusum audiant *electi seorsum præsentis Patris nostri Laurentij*. Verba ipsissima sunt encomiastæ in sua oratione, quæ inter eius opera

B

22. Act. 22.

19
opera hac epigraphe inscribitur: *Dictio missa Honorato Episcopo Nouariensi in Dedicatione Basilica Apostolorum, ubi templum fuit Idolorum*. Ergone is ita laudatus Laurentius Nouaria Episcopus? Immotum ibi sedebat Honoratus, ad quem Dictionem suam direxerat Ennodius. At dicent certè, quod fortasse huic sedem cesserat Laurentius, ut exinde ad Mediolanensem transmearet: interim electus, quia nondum consecratus, ideo *seorsum* aderat præsens, tantum ut in hoc solemnium Patrum confessu gratulabundus successori suo gratificaretur, qui eum inuitauerat. Verum Honoratus in Dyptico Episcoporum Nouariensium adnumeratur septimus, Laurentius ergo planè sextus dicendus veniret: ast quomodo Magister primorum huiusce Ecclesiae coryphæorum Gaudentij, & Agabij, quod citra omnem dubitationem inconcussè enuntiatur ab omnibus? Laudatur itaque Laurentius Archiepiscopus electus, & quidem Nouariae, ubi aderat in eo Pontificio congressu, præsens ad solemnem inaugurationem templi euocatus, sed non propterea arguendum, ergo Episcopus Nouariensis, prout infert *Ioannes Mabylo*, qui ex Ennodio nimis inconsultè confirmare aggreditur, quod aliquatè suspicatus fuerat *Bignæus*, ut cum Apostolo nostro confunderet paranomasia quadam, seu nominum analogia hallucinatus: nec interim se ad duorum fermè saeculorum saltum enormitèr dilapsum sentit.

Exorta æquiuocatio creditur eo, quod Ennodius partes Honorati agens Laurentium ut Patrem ex reuerentia compellat: ast *Iacobus Sirmondus* in sua Parisiensi editione operum D. Ennodij elaborata anno 1611. expendens ea verba, consultò adnotauit *Patris nostri Episcopi Mediolanensis, quem proinde ut Metropolitanum suum Patris loco habebant Nouarienses*. Sed re vera in hac re non insudandum fuerat nimium, cum nec tam profundi mysterij sensus lateat in hoc vocabulo, ut opus fuerit tanto conatu, & ausu, quantum præferunt vel *Mabylo*, vel *Sirmondi* interpretatio. Sedulò laborarunt, sed irritò conatu, ut nimirum Patris nomen dentibus raptim extorquerent ad commentum suum, cum tamen illud non adeo suapte natura tantam præferat dignitatem, & inditam auctoritatis supererminentiam, quanta supponitur, ut proinde arguendum veniat, quod si Patrem nominat, ergo Episcopum suum. Ecquis hoc dicat? Quin potius honoris, & urbanitatis gratia merè prolatam fuisse hoc loco huiusmodi prænominatorem, aprius arbitremur, necesse est.

Nec poterat Honoratus laudare præsentem nostrum Sanctissimum Apostolum, dum eius Dictionis auctor Ennodius eam contexuisse supponitur anno 490. ut in recta annorum supputatione deducitur ex eo, quod

quod de se ipsemet profert in Eucharistico de vita sua. Decessit verò anno 521: Ast quanto tempore illum præcesserat Beatissimus Doctor? Martyrio laureatur anno 363. quem secundum fuisse, & vltimum tum imperij, tum etiam vitæ Iuliani Imp. cum cæteroqui Mediolanensis Laurentius nullatenus martyr dicatur, summatarum virtutum coronide illustris, & infractæ patientiæ laudatissimus in pace quieuit, miris & ipse diuexatus procellis, & tempestatibus, vt ex Ennodio (23) refert prædictus *Mabylon*, *Cum hostilis irruptio* (vt verbis vtat eiusdem Ennodij) *more pecorum Christianum populum per diuersa distraheret: tandem exilio, carcere, & plurimis exagitatus vexationibus postquam infracto animo, & ineluctabili constantia in diem, frigus, & iniurias* (ait encomiastes) *& illa, quæ sibi inimici animus prouidit augmenta morborum mira fortitudinis contentione deuorasset inter suorum amplexus placidè obdormiuit in Domino*, anno vt traditur 527. seu manis 28. vel magis 29. vt alijs placet. In hac particula non sibi consistunt qui de eius morte scripserunt; non tamen in magno dissident, ita ut firmum, & constans omninò permaneat, doctissimum Martyrem, & fidei Magistrum ex ducentorum fere annorum curriculo elapso, *declamasse homilias ore quasi mellito*, vt Sigeberti (24) verbis vtat, *unde agnominatus mellifluus*, & alius omninò sit ab eo, quem inter Præsules suos vigesimum quintum enumerant Mediolanenses.

Pergit exinde Mabylon comprobare thesim suam, & ex hoc quod Sigeberto Laurentium mellifluum appellari audiat, arguit protinus, sed & Ennodius quadantenus innuit hoc ipsum de Mediolanensi suo, & verba recitat ex Dictione decerpta, subditque, *Laurentium in Synodo Romana minitantium impetus blandimentorum melle domuisse*. Quod sanè quanti ponderis sit, & quantum vrgeat, nemo non videt. Paralyfim potius quam paralellum protulisse visus est, cum mellifluam tam in dicendo quam in scribendo exuberantiam, quæ Laurentij admirationem fecerat, modica blandimenta verborum in Romana Synodo exerta ad frementes aduersariorum impetus demulcendos, frigidè admodum perstringere ausus sit. Lubentius *Casimiru Oudin* (25) obaudirem de hac re iudicium proferentem, nisi & ipse vt Polonus natione, idcirco rerum Nouariensium non apprimè gnarus, nimium iusto fidens ijs, qui Episcopum eum statuunt, circa Doctoris nostri æuum & is propemodum aberrasset, dum circa annum 510. traducit, & vltra forsitan (addit ipse) ad annum 520. Hæret tamen accuratior, dum Ennodianas laudes Laurentij expendit, quibus ad vsum paroemiæ suæ abutitur *Mabylon*

B 2

23. D. Ennod. in Dict. in Natali Laurentij Mediol. Episcopi.

24. Sigebert. loc. cit.

25. Oudin. vt supr.

bylon, eo obtentu, ut cum Apostolo nostro vnum eundem faciat. Nec fidem præstat prorsus argumento, sed ut leuissimum & prorsus inane explodit subdens illicò: *Hoc autem certum non est, solisque, & infernis coniecturis nititur.*

Id autem penitus non ferendum, quod idem licet cæteroqui Sanctissimi Doctoris nostri emeritus laudator inter tot encomia præstantissima, quibus ipsum cum sua homilia de pœnitentia cumularat, subdit tandem: *sicque de pœnitentia loquitur, quasi eam solis humani arbitrij viribus adscribere videatur*: per quod eum quodammodo Pelagianismi insimulare non veretur audentiori censura. Ast pace tanti viri (dixerim eruditione, ac pari pietate quaque versus spectabilis) parcendum omnino fuerat istiusmodi parergo: *potissimum incumbit, ut peccatoribus fiduciam obtinendam à Deo remissionis ingereret.* De pœnitentia cerre argutissima periphrasi, & mellito ore proloquitur S. Doctor, prout est actus virtutis, quæ proculdubio humanæ prorsus voluntatis est motus, unde meritum exurgit, & inde fiducia concipitur obtinendam à Deo gratiæ iustificantis. Vtrum vero is arbitrij nostri motus ita pendeat à concursu diuino, ut nihil penitus adscribendum remaneat humanæ voluntati cooperanti, non est huius loci disceptatio; nec eò ultra se profert Laurentius, ut scholasticum agat in hac oratione, ubi ecclesiastem merè se præbet, non disputatorem, & velis, ac remis in hac elegantissima disputatione contendit (quod ipse *Mabylon* rectè adnotauit) ut fiduciam obtinendam à Deo remissionis ingereret. Ergo ut principium salutis in homine statuat? Absit tantum nefas deducere ex eruditissimi declamatoris conatibus. Ea erat impia Pelagij blasphemia, qui mero naturalium virium ausu gratiam simul & gloriam adquiri posse, temerè oblatrabat. Contra quam post Laurentium nostrum D. Augustinus scitè admodum, & multoties, acriterq; inuehit præsertim in libro de gratia, & libero arbitrio; & cum eo iugiter omnes scholastici aduersus etherodoxos concitati. Voluntatem igitur humanam mouere conatur, ut ad Deum conuertatur, iuxta sensum Prophetarum, immo & Domini Iesu, qui in hoc plurimum insudauerat, sicut & ad hoc venerat inter homines factus homo; & dum fiduciam ingerit obtinendam à Deo iustificationis, non arguendum, quod solis humani arbitrij viribus pœnitentiæ effectum protrudat: nisi illo prorsus sensu, quo Dominus dixerat per Ieremiam (26) *erit anima tua in salutem, quia in me habuisti fiduciam.*

Ratio itaque exscribendi homilias hasce *venusti eloquij, & flosculis Rethorici*, ut eas concelebrat *Ludonius Bail* (27) (licet is quoque cū cæteris

26. Jerem. 39.

27. Bail. loc. cit.

23
tam in saeculo Laurentij nostri statuendo, quam in Episcopatu, qui falsò supponitur, vulgari hallucinatione abductus oberret) non abs re subtexenda venit hoc loco. Quæ de poenitentia inscribitur, apolegetica censetur pro D. Eusebio saltem ex reflexu, quem videlicet inuocabant æmuli, & acerbè nimis vrgebant, quod cum legatione fungeretur pro Liberio Summo Pontifice vna cum D. Gaudèntio eius iudiuiduo ministro per plurimos Cappadociæ, & aliarum gentium Episcopos cum suis Diocæses quâ schismate diffuentes, & quâ Ariana hæreseos labe infectos, Sanctæ Matri Ecclesiæ reconciliauerit, & lubens, & blandiens exceperat sinu sguendos. Ea propter amaro eum despiciebant oculo, vel potius animo iniquo aduersus illum torquebatur mastigi zelatores, & Luciferiani præsertim nebulones ex hoc capite potissimum Catholicis exossi, & detestabiles, quin infestè nimis obtrectantes huiusmodi clementiam velut intempestiuam, & indecoram ad excessum mordacibus censuris carpebant. Quin & eò processerat zelus vltro indiscretus, seu magis dicenda malignantium inuidia, & rabies, vt & Liberio cetero qui sanctissimo succensentes prope deficerent ab ipso capite: Eò vsque percellit dementia, zeli intemperantia, & liuor. Impia hæc, & freuens nouarum perniciosa bilem mouit pijs Scriptoribus, vnde & Laurentius noster eruditissimus æquè ac sanctissimus homiliam hanc in poenitentia commendationem exarauit politiori stylo (quod & suum prorsus erat) qua peccatorum animos demulcendos blandè erigeret in spem salutis: & hoc potissimum obtentu, vt oblatrantium audaciam compesceret, & vna simul a nicum Eusebium a calumnia exolueret. Aliam vero de eleemosyna pari concinnitate digestam, & tum peculiari verborum elegantia, tum sensuum grauitate, & venustissimo eloquio turgentem contexuit, vt nempe in subsidium vexatæ plebis Christianæ pecunias congereret. Hæc in odium fidei depauperata, vel mancipata carceribus, vel postliminijs abacta, vel etiam in domibus perstricta, inopia, squalore, & angustijs depressa, vel diuersimodè exagitata vitam miserrimè sustentabat. Quod idem & Apostolum Paulum fuisse, perspicuum constat ex eiusdem Epistolis. Sicut & eodem caritatis officio perfunctum certo certius fuisse constat erga D. Eusebium Scythopoli apud Palestinos exulantem, cui validas, & peropportunas supplicias transmississe per Syrum Diaconum, & Victorinum Exorcistam illuc consultò directos patet ex eiusdem Eusebij epistola Nouariensibus, & alijs rescripta, quam ex *Lipomano* recitat *Baronius*. At certè Eusebius iste simul cum S. Dionysio D. Ambrosij proximo decessore exulauerat pro D. Athanasij causa, quam toro nisu, & ausu propugnabant, dum ab Arianis rabidè supra modum, & vsque ad mortem infestis diuexaretur.

Vbi

Vbi nunc igitur Mediolanensis Laurentius, quem cum Apostolo nostro confundas homonymia deceptus, à quo si ad Ambrosium vsque retro-
grediaris, duodecim intermedios inuenies Episcopos? Hoc optimè ad-
uertit Sirmundus ad Ennodianum epigramma 77. quod prostat de vita,
& actibus Sancti Ambrosij Episcopi, vbi aptè ad rem nostram adnota-
uit illicò: *Quæ sequuntur duodecim epigrammata, laudes continent duode-
cim Antistitum Mediolanensium, quo ordine Sedem Episcopalem tenuerunt
ab Ambrosio ad Laurentium.*

Nec vllus Mediolanensium rerū compiler (quod sciam) inter Lau-
rentij sui egregia facinora, & præclarissima elogia, quæ ipsi iure opti-
mo coaceruatim congerunt, hanc Doctoris, vel scriptoris laudem ei
quoquo modo appingit, itaut auctorem Homiliarum ne quidem suspi-
cari vllatenus liceat, sicubi operis alicuius ex scriptor diceretur. Cer-
tissimè è contra, & extraprimem dubitationem vnus omnium sensus,
& vox est, Nouariensium Apostolum homilias extruxisse tum de pœ-
nitentia, tum de eleemosyna, tum etiam de Chananæa, quæ mirificè
ab omnibus celebrantur. Quin & alia plurima conscripsisse certum est,
vt plus doleamus, temporum edacitate suffurata fuisse. Quæ idcirco
memorari non piguit, ne quispiam hæreat ampliùs, an is Episcopus fue-
rit, aut ad Archiepiscopales infulas Mediolani aduectus. Vtrunque
identidem non vero consonat, quod cum præstare contenderint aliqui,
adeo enormitèr deuiarunt, vt per duorum ferme sæculorum interca-
pedinem aberrantes, & in duodecim Archiepiscoporum cuneum im-
pingentes cæca æquiocatione veritatem omnem obfuscarint. Adde,
quod de Laurentio suo omnes vniformitèr consentiant, fuisse egre-
gium Patriæ decus, & familiæ Littæ inter primates Mediolanenses Pa-
tritis nobilissimæ singulare ornamentum: de Apostoli vero nostri pa-
trij laribus nil certum prostat, ne dum de progenie, nisi fortasse aliqua-
litèr dissentire nollemus Ioanni Tamayo, & alijs quibusdam, qui His-
panum fuisse suspicantur, & patria Cordubensem, & nonnullis conie-
cturis adiectis sibi, suisque adplaudunt, non tamen ineluctabilitèr. Hoc
vnum in ipsius factis proconstanti liquet, ex occiduis regionibus, cœle-
sti planè instinctu, & diuino spiritu afflante, Nouariam aduentasse
adeo tamen vt nullus ambigendi locus restet, quin doctissimus, & Mel-
litius Doctoris Nouariensium Apostolus sit, an verò idem censendus
cum Laurentio Litta Mediolanensium Archipræsule, absit penitus, vt
credatur ab homine.

Nunc propriùs ad Homiliam accedamus, quæ de Chananæa inscri-
bitur. Huius eximia præconia, quæ ab antiquis percepimus, & desi-
derium fecerant, & dolorem simul ingesserant per maximum, cum nul-
latenùs

latenus hucusque eam videre datum fuerit. Plurimas nostri Sancti Magistri lucubrationes temporum voracitate absorptas iam diximus; huiusce tamen opusculi longè maior incefferat cupido; itaut quod eius tot elogia nobis essent non tam irritamenta appetitus, quam alimenta dolorum. Ego quoque in scriptulis, quæ pro modulo meo tum in historia Sanctissimi Protopastoris nostri Gaudentij, tum in eiusdem Diui Martyris commentariolo deprompseram, de hacmet iactura grauitèr conquestus sum: & pene inconsolabilis videbar mihi ipsi, cum nulla prorsus effulgeret spes reperiundæ. Mox tandem, deplorata diu incassum, rediuiua resurgit, adspirante diuina gratia, & potissimum urgente solertia Lazari Augustini Cottæ I. C. qui defossæ patriæ monumenta è labantium temporum ruderibus eruta luci reddere satagat pari sagacitate, ac industria, qua vllus quispiam hucusque nostratum scriptorum. Nec abs re, vt potissimum inde tricas enodare liceat, quas vrget *Mabylon*, vnde suffulcra deducere opinetur commentum suum, & S. Martyrem nostrum per duas prope annorum centurias abstractum Mediolanensi Præsuli sistat, vt ex duobus tanto tempore interuallo dissectis vnum confluet Laurentium, licet bicorporeum, vnico tamen homonymiæ magisterio, eundem ipsum esse contendat.

Ea ergo oratio de noctu habita est, & in foro, vt bene adnotarat & *Mabylon*: quod sanctus Doctor identidem perspectè enuntiat; In foro autem intel ligas, idest in Palatio Ciuitatis, vbi forenses causæ actitantur passim, seu maius dicas (vt egomet reor) in aula, quæ in Palatio prostrat Decurionibus ad Consilia euocandis, vbi publici regiminis æconomia peragatur. Vt ipse Sanctus aliqualerè dolet, se in loco profano penitus concionem habere; non tamen in platea publica, nam & ad luminaria vespertinus hic conuentus habitus est, quod & ipse S. Orator monet, cum plateam à foro distinguit dicens, *aspicio in foro, eo per plateas*. Pergit Scholiastes orationem expendere, vt inde schema suum aliquali collatione confirmet: *Mentionem facit quorundam aduersariorum suorum, quorum improbitate non solum ipse vexatus sit, sed etiam alij partium ipsius fautores*. Hoc & Sanctus hic Apostolus aperte deprædicat: Non tamen satis aptè illico ad *Ennodium* se confert patientiam Mediolanensis Antitistis laudantem, vt ex eius Dictione narrationem audiat malorum, quæ ipsi ex aduersariorum factione semel, & iterum contigerunt. Non bene perpenderat prouidus adnotator, quod & coram ipsdemmet aduersarijs perorabat Sanctus Doctor, cum quibus congregitur, eos clam, & blando artificio insectando, vt nempe delicata velut manu vellicando expungeret ad salutem. Quemadmodum idem ipse liquidò testatus est in oratione, subiungens demum: *Quid expendo tem-*

pus

pus in exprobratione malorum? Nec enim fas est insultare diutius inimicis, & filios dispicere sitientes. Dehinc velut inflicto salutari vulnere, manum solertè contrahit, & prudentis chirurgi partes oppido agens solari aggreditur, & mellito propemodum eloquio blandiens spem ingerit vitæ. Videat certè qui nimirum *Ennodij* encomiastæ verbis innititur, ut fallatur, & ijs ad labefactandam magis, quam concinnandam historiam suam abutitur. Nedum patientem, & mansuetum se præstat Laurentius noster in sua oratione, sed & impavidum omnino, quin & minantibus longè fidentior se præbet, timoris planè expertem, & periculis audentior, immo & hostibus insultantem, ut ipse proloquitur.

Plurima alia, quæ sibi suppetant colligit ex eodem laudatore *Ennodio*, sed perperam certè, nec omnino ad rem suam. Commemorat Sancti Præfatis extorris mala, qui deinde cum Romam in Synodo accitus anno 502. (verba recito *Mabylonis*) pro absolutione *Symachi* Papæ adversantium procellas sustinuit: exinde profert quæ Italiâ perturbauerant bellorum ingruentium terriculamenta per Odoacrem, ut opinatur *Sirmundus* (ait ipse) quando *Tufa* adversus *Theodoricum Ostrogothorum Regem* rebellavit. Concludit exposit, quod tandem è postliminio patriæ redditus rationem habuerit contexendæ homiliæ de Chananæa. Quæ omnia quam incongruè veriant tum ad Sanctum Oratorem, tum ipsius instituto, nemo non videt. Pergam igitur ex concione ipsa obtentum eruere, quæ potius Academica exercitatio, vel thesis, ut Rethores appellant, nuncupanda videtur, sed & Apostolo prorsus digna, utpote cum melimelis Rethoricis, & ore quasi mellito (ut cum *Sigeberto* loquar) fructum, & salutem quaqua versus inferat, capta occasione dicendi. Summæ eruditionis, & Rethoricæ præsertim peritiæ ingens fama percrebuerat de Sancto Doctore, qui literarum, & scientiarum Academicam ad eruditionem iuventutis Novariæ instituerat. Is Apostolo duplex proventus fuit; quod & in eius historia satis latè differuimus. Aliqui ex nobilioribus vrbis istius proceribus tanta suauitate allekti iam ipsi manum dederant, & fortasse Evangelio; adeo ut liberos quoque suos clarissimo huic Præceptorum erudiendos traderent. Quod de B. Agabij genitoribus abundè liquet, qui, ut erant ex primarijs in vrbis Patritijs, ita filium hunc suum præclaræ indolis, & elatæ spei adolescentulum Laurentio educandum dederant. Hoc ipsum & de alijs facillimo negotio credendum venit. Per hos itaque, quos suos fecerat tanti Magistri admiratio, & non vulgaris æstimatio conciuibus deprædicata est eo usque, ut qua officijs, & qua persuasionibus aliquale eius audiendi desiderium inuexerint. Qui peruicaces in Præconis Evangelici odio, & iugi

amul-

æmulatione perstiterant, sane ad ipsum accedere dedignabantur. Idcirco in forum, idest in Palatium aduocatus est ad concionem: & hoc horis vespertinis huiusmodi perincundo conuentui accomodationibus, nam & aperto die fortasse pudebat audire ecclesiastem, ceteroquin profanis apprimè exosum.

Ea, quæ postmodum Mediolanenses incessit gloriatio pro Augustino suo Rethoricam illuc docente in scholis Palatinis, fuerat & Nouariensium pro suo Laurentio. Imperatori Mediolanum aduentanti Rethorem suum plane percelebrem pompaticè ostentarunt, & ad orationem coram eodem Imperatore prouocarunt, vt ex eiusdemmet Sancti confessionibus clarè condiscimus: paritèr & isti de hoc percelebri Ciuitatis ornamento non modicum sibi adblandiebantur. Euocatus itaque ad concionem in Palatio, ubi facilè omnes vna continere, quicumq; fuerint tum etiam aduersantes in hac promiscua Nobilium corona (arrepta opportunitate) ex Rethore Apostolum se profert intrepidum penitus, & fidentiori constantia de *temptationibus* (obsoletum vocabulum, quod neoterici respuunt, apud Rethores tamen illius temporis clariores vsitatum, & in summo pretio habitum pro orationis elegantia, & verborum delectu) quæ illi obuenerant ab aduersarijs suis, illos ipsos redarguit cuiuscunque timoris expers, insultans propemodum, vt ipsemet profiteretur impauidè, Apostolico plane spiritu ductus. Dehinc melimela concinnat, & sibi semper constans in decursu concionis ex culta oratione, & politiori stylo pœnitentiam ex suo instituto inculcat, & Rethorum flosculos æqua verborum proprietate, & artis dicendi consonantia conflatos perincundo artificio ad fructum deducit.

Ab exemplo exordium sumpsit argumenta delibans, quæ fuerant anteriorum Dictionum siue Pauli, siue Matthei de persecutoribus Euangelij ad Apostolatum euektorum schema præmittit, vt discant exinde ad Deum ex corde conuerri, quippe qui tales pro clementiæ diuinæ miraculo operatur apotheoses vnico pœnitentiæ magisterio. Et non sic de pœnitentia loquitur, vt eam solis arbitrij humani viribus (affectum eius etenim) *adscribere videatur*, prout infert *Mabylon*, sed vrget quidem, vt pœniteant, & conuertantur ad Medicum, qui *resecat morbum*, & qui *adest gemitibus, nutu imperans sanitatem*, vt is ait. Miraculum adducit creationis; & quomodo ex luto Deus fecerat hominem diuinæ artis ingenio imperferutabili, eleganti parcœmia insinuat, quod non despici profecto opus suum, cum redux eius manibus se committat: eo prorsus ingenio, quo (subdit) *ea ipsa, quæ fuerat in Ciuitate meretrix, ad eius pedes persusa (accepta fiducia à lachrimis) accessit ad fontem Dominum Iesum*.

Ad Chananæam exinde admirabili concinnitate procedit, quæ est peculiare huius homiliæ thema: & quam aptè, & industrijs inde viam.

sibi faciat ad execrandos Idolorum, & præcipuè Mausolorum cultus, qui Nouariæ vigeant, miretur Lector. Exculta periphrasi gentilitios huiusce mulieris Syrophœniæ errores amplificat, vt sensim auditores, & velut per anfractus suauitè deductos propriæ insipientiæ inspectores sagacitè centiæ mysterio blandè ad rescipiscentiam euocet. Proptereaque illos ad accuratiorem dicti sui, & penitiorem sensus verborum inuestigationem prouocat, *nam in textura est tela*: quasi dicat, quod & altioris indaginis sermo sit, quam ausit enunciare, aut proferre videatur liberiori licentia: cum iam antea apertius dixisset ad conciliandam sibi, & dictis peculiarem attentionem *Hunc considerate sermonem, & ad verba mea dirigite intellectum, quoniam profundam volo comparationem exoluere*. Inter hæc, quæ delicatius innuit, magis quam dicat, & quasi per transennam vellicando delibat, aliquid certo certius plus intendit, quam quod apertè enunciat. Non credendus ideo loqui inconfultò, qui ad verborum penitiorem sensum accuratius ponderandum sollicitat, vt qui studiosè prorsus quæcunque ad vtilitatem audientium spectare posse arbitratus est, fidentèr proferre se iactat: idcirco prudètes viros ad arcana prouocat mystici sermonis, quæ rimari diligentius operæ pretium erit. Orantem Chananæam disertè examinans, orationis vim permultis exaggerat, & quidem bellè, & opportunè magis: eo potissimùm, vt opinor, obtentu, quo inuincibilis, & pene prodigiosa firmitatis suæ mysterium audentiùs insinuet fucato apparatu. Inimicis suis affatim debacchantibus vltro insultare se nolle, professus iam fuerat: nec profecto vllibi locorum amplius eos apertè confundere aggressus est; sed non propterea, saltem lenitèr, & identidem saluberrimè illos expugnare desistit mira dexteritate, ac sermonis elegantia, velut delicata manu. Atrociora vitæ discrimina, quæ metum quoquo modo in constantem virum inuehere valeant, partibus enumerat; sed his omnibus longè maiorem se profert, cunctaque penitus vnico orationis adminiculo eluctare posse, fidentissimè protestatur.

Sed cum ita artem suam pene diuinam depromit, in propulsandis oppidò, & mira felicitàte tum contumeliarum moribus, tum etiam vitæ periculis, adhuc pergit permantèr quidem, sed eo efficacius, quo suauitè aliquo paradigmatè illos perurgere non sine admirabili, & claudestino ornatissimæ artis opificio. Gothorū (22) iam in Christo credentium, & Sydoniorum, nec non & Persarum religionem sonore deprædicat: verum quo recondito penitus, & planè industri mysterio Rethorico, miretur lector. *Quocunq; ieris*, (ait vaser æquè, ac sacer buccinator) *audias Christum prædicantem*: *O mulier magna est fides tua*. Sed
 22. Gothi an. 341. (*Baron. to. 3. pag. 49.*) amplexati sunt Christi fidem, ideoq; per id temporis hæc Oratio videtur habita.

quorsum hæc intempestiua nimis barbaræ istius se gentis recordatio? Hoc pacto laudationem videtur præcinere Chananzæ: ast aliud certè ex transuerso simul contendit. Cum Gothorum Concilium, seu Persarum, & Sydoniorum conuentum compellat, tacitè inferre mauult, quod iam ubiq; gentium, & locorum Christi Euangelium publicè enunciabatur; vnde argumentum callidè subducit, quod si piè, ac obsequenter vel ipsi effrænes populi Euangelio obtemperant, quid de cultiori, & perhumana dicendum natione, vbi adeo ingloriè & veritati obstititur, & Christo? Hinc pudendam nimis, & prorsus indecoram Nobilium vecordiam, vel magis peruicaciam delicatè vellicat, coram quibus specialitèr accitus orationem habet. Et sic clam, surdoque, vt ita dicam, istu, & à veterinoso torpore nobili viro, ac ciuili prorsus incongruo auditores suos sensim succutiat, & simul pertinaciam confodiat: cæteroquin admodum inopportunè, & extra casum penitus videretur huc inuecta ea barbarorum, & efferæ gentis colluies, si non ad hunc scopum collimarit dicentis intentio.

Claudit demum Concionem suam, seu Homiliam apertiori corollario ostendens, quo sensu dixerit, pœnes arbitrium hominis esse libertatem mouendi se ad gratiam, & salutem à Domino adipiscendam, cum eundemmet suis conceptis verbis inducat supplicanti respondentem: *Fiat tibi, sicut vis*; mox subdit peracutè obseruando, quod nec tangat leui manus diuinæ contactu energumenam filiam, nec curet exorcismo, quam nequidem visitatione dignatus est, sed in matris planè arbitrio curam liquit, & medicinam, *nam tua voluntate à passione purgetur*. Sic paraphrastice exponit Christi Oraculum: at non proinde arguit, quod à principio merè naturali gratiam sortita fuerit; absit omninò, imo gratiosè à Domino percepisse, liquidò euincit, sed quidem cooperante potissimùm fide, quæ certè partis nostræ est, cum sit actus ab humana voluntate imperatus. Quin & tantum opus peregit (vult ipse inferre) pœnitentiæ præcipuè, & orationis magisterio, quæ sane ex suapte natura dicuntur conuersio voluntatis humanæ ad Deum, ex qua enascitur in homine fiducia obtinendæ à Deo salutis. Et hæc in gratiam *Mabylonis* dicta sint, vnde clariùs ediscat demum, quæ idea Protomagister, & Apostolus noster suas de Pœnitentia dissertationes contexere sategerit, quæ iugis erat studiorum contentio, vt scilicet Maiores nostros longè à veritate deuios lenitèr, & suaui conatu dignè Deo deduceret. Nec quæ contra eius opinionem supra deprompsi, intelligas velim, quod eruditissimo viro, & Diui Martyris nostri emerito laudatori succensere vllatenus audeam, quin & illi multum debemus pro reddita nobis ea, quæ nunc profertur iam diu exoptata Homilia: admonendus

quippe fuerat, Laurentium nostrum, quem summè laudat, & Mellifluum Doctorem cum *Sigiberto*, & alijs deprædicat, neutiquam Episcopum fuisse, nec multo minùs ad Archiepiscopales infulas, qui anno 563. Apostolici muneris sui gloriam martyrij laurea coronauit.

Hic obiter adnotandum venit pro coronide, quod in calce legimus eiusdem sermonis: quam videlicet verum sit, quod fidelibus promiscuè, & sibi aduersantibus orationem habuerit. Primores vrbs conue-
nerant in foro ad concionem vespertinam hanc: fortasse & Constantij Imperatoris ministri aderant inuitati, qui nempe in hac Ciuitate eius partes agebant in Officijs constituti. Vt erat is Arianae hæreseos emeritus patronus, quin & propugnator acerrimus, eius quoque subalternos eadem pice infectos inibi fuisse, credendum est; alios etenim huiusce-
modi labe pollutos nusquam fuisse Nouariae, satis latè alibi probauimus. Hos & Apostolo nostro quauis aduersantes, & vsq; ad mortem infensos extitisse, nihil certius; His namque artibus hæretici Principis gratiam, & honores, & dignitates aucupari fas erat, immo & necessitas. Illos itidem incessere audeat Sanctus Orator, cum ait: *Si minor est Patre, quomodo dicit, Fiat tibi, sicut vis?* Hæc nimirum huiusce-
farinae gentium vesania fuit, vt Filium Dei minorem prorsus diuino Genitore impio ausu, & ore blasphemio oblatrare auferint eo vsq; concitati malo spiritu, vt propterea Christi Ecclesiam diris factionibus, & furentibus dissidijs miserrimè lancinarint, quin & tragædias excitarent, easque horribiles nimium, in quibus & Sanctus noster tantam egregiè patientis personam egerat. Verum enim vero mutila prorsus in hac parte mihi videtur Oratio, amauensium fortassis incuria, qui eam ab autographo desumpserant oscitanter (declamationem etenim in publicanos mutilam suppleuit *Cotta ex Francisco Iureto*) ni scripturae vetustæ, vel corrosæ labe aliqua excusationem erroris faciat. Ceteroquin longè plura hic minatur, & spondet præclarissimus Magister, quam proferat, & perficiat: sic dato classico innuit, non tamen init certamen, & intentat magis emicando, quam congregiatur: nec sensus venit omninò integer Dictionis, inter cisa periodo, ita vt multum hic de-
siderari videatur ad complementum.

Pro Homilia collecta ex pretiosissimis Analectis Mabysonianis.

A. D. Laurentio Presb. & Marr. Oratore suauissimo habita, &

A. P. Ioseph Maria Balioto Capuccino Nouariensi illustrata.

Ad Laz. Augustin. Cottam I. C. de Museo (Nouariensi benemeritum

Epigramma.

Ve

Vi Syra nunc vivat *parvorum* more *Latrantum*,

Gallica sunt gustu digna *Anale* & suo.

Porrigit hæc *Mabylon* sano *Fragmenta* palato,

Laudatamq; beat *Fœmina* anhæla gulamq;

Hoc minùs exoptat quas *Sacra* *Nouaria* *Mensas*,

Instruit, ac sanctæ promidet ipsa fami.

Delicias illi solers condit *Baliotus* (23) opimas,

Vnde sapit miras nunc *Chananæa* dapes.

Cotta, tuus fecit dulcēs *Laurentius* (24) escas,

Cuius ab *Hyblæo* defluit ore sapor.

Balsama sic melli tantus labor æmulus addit,

Ac saturat magnam culta virago fidem.

Eloquij manna pauci *Phœnissa* mereretur,

Cum fuerit Summo grata *Catella* (25) Deo.

P. F. Dominicus Maria Bertochinus de Ameno

Ord. Prædicatorum Sac. Theolog. Professor.

Scripsit igitur S. *Laurentius* noster *Homilias*,

I. *De Penitentia*, &

II. *De Elæmosyna* in to. 9. seu supplem. Bibl. VV. PP. pag. 1542.

editionū Patisiensium 1579 & 1618: 1644. to. 2: Colonienfis 1618. to.

6. Lugdunensis 1677. *Nouaria* 1615. cum *Nouar. Sac.* Caroli A. *Basili-*

ca Petri, quas breui commentariolo illustravit *Bail* supra relatus, quas-

ue frequentius *Picinellus* (26) delibat.

III. *De Muliere Chananæa*. Parisijs 1676. inter *Anale* & *Mabylon*. to. 2.

IV. *Expositiones ad Evangelia*, ac

V. *Nonnulla alia Opuscula*, quæ quam maximè confido, quod aliquando diuina clementia sit nobis reuelatura.

Cum P. D. *Joseph Hieronymus Sementius* Cremonensis, Cler. Reg. *Somaschenfis*, in Regali Academia *Ticinesi* Theologus in D. *Laurentij* Presb. & Marr. *Homilia* de *Chananæa* occultas nonnullas inuenerit Sententias alludentes ad mentem Sapientissimi, cuius interpretes omnes examinat, ac collocat in sua noua *Rethorica*, siue potius *Theologica*, & *Philosophica* *Aencyclopedia* omnium Scholarum utilitati ordine clarissimo ab eodem excogitata, & iam digesta, ipsas in margine cum alia eruditione plurima eiusdem annotare voluimus pro maiori luce doctrinæ, ac eloquentiæ nostri disertissimi Apostoli *Nouariensis*, quem ipse

23. In *Bibl. Script. Capucinor.* pag. 206.

24. *Laurent. Mellifluis* ex *Sigeb.*

25. Illa dixit: & catelli edunt de micis. *Match.* c. 15. n. 27.

26. *Mundo Symbolico*.

ipse melleam, & aculeatam Salomonis apem esse, mihi affirmavit
ex Prouerb. cap. 6. post vers. 6. apud Septuag.

Chananæa Sapientissimi

Apud Salazar. in Prouerb. to. 1.

Apud Othavianum de Tusco in Ecclesiastic. to. 1. fer. 5. post Dominic, I. Quadrag. ex Indic. Concionum.

* Sic M.S.

Incipit liber primus *

Sancti LAVRENTII Presb. & Martyris

De muliere Chananæa.

* Sic in autho-
grapho.

Multi quidem confligunt venti, sauiuntque procellæ: Sed vestrum conuentum non dissoluit temptatio, * nec studium violauit. Non cessat Ecclesia, quæ semper pugnat, & semper triumphat; temptatur, & non superatur. In quantum pulsatur, & premitur, in tantum præualet, & augefcit: circum sauiunt vndæ, sed non mouetur lapis.

Oratio hæc ha-
bita noctu, in
Aula Consilior.

Sermocinantibus nobis, somnus recessit à vobis; nox se transfudit in diem. O conuentus forensis! potest enim & hic esse conuentus Ecclesiæ. Fecit nox in foro Ecclesiam, & mentis nostræ strepitus armauit industriam: cessauit omnis pigritia, conquieuit ignauia. Quis hoc non voluat animo, aut quis non miretur, eo quod non solum nostri permanferint nobiscum, sed etiam incogniti congregati venerunt, & proficit * temptatio in vtilitatis augmentum? Nam sicut pluuia descendens nutrit semina germinantia, sic * temptatio cum examinauerit, animam saluat. Verbum Domini est immobile, & portæ Inferni non præualebunt ad eum. Se ipsum vulnerat impugnator Ecclesiæ: plebem vero fidelem insigniorem ostendit. Vires concludit proprias, qui æmulatur Ecclesiæ: nobis vero triumpho confert dignitatem. Iustus erat & antea Iob, sed iustior postmodum de agone emerfit. Sanus validus factus est æger validior: clarus in opere factus est, in opinione præclarior. Numquam igitur in * temptatione formides. Si enim fueris in propria virtute fundatus, nunquam tibi oberit tribulatio, quæ patientiæ declarat virtutem. Sicut enim Fornax cum examinat, augmentum facit in specie auri, sic * temptatio addit animæ pulchritudinem. In quo enim noxia est flamma in specie auri? aut in quo humiliat * temptatio patientiam, quæ tollit tristitiam, & auget lætitiā, & facit animam hominis in examinata specie refulgere?
In.

Tentatio instar
pluuia, qua se-
mina nutrita
germinant.

Iob de Agone
iustior emergit.

Sapient. c. 3. v. 6.
Tribulatio, vt
Fornax auro, A-
nimæ pretium
addit.

Introduxit * temptationes, vt excludat aduersarios, qui me existimant inimicum. Congregati sunt maligni in vnum: sed quid illi in confusione, & quales nostri in compassione? vbi sunt illi? nunc apparent? adspicio in foro, eo per plateas; & nullum video. Frondes fuerunt, & ceciderunt à vento: Plumbum fuit, & liquefactum est; hi vero refulgent in specie auri. Quis eos, quàm criminosa eorum conscientia effugauit? Sciunt enim ipsi, quid fecerint. Nam & Cain cum cæperat proprium perimere fratrem, perpetrato scelere, timens, ac tremens super terram incessit. Sic & isti non manibus quidem, sed mente malignati sunt: & illi quidem operati sunt necem, Dominus autem condonauit salutem. Hæc enim locutus sum propter vos, vt exultet mens vestra in Domino, & numquam in temptationibus trepideret. Petra est immobilis. O homo, quid flatus vereris? *Super hanc, inquit, petram edificabo Ecclesiam meam, & portæ Inferorum non præualebunt ad eam.* Quandoquidem extranea, quandoquidem autem intestina sunt bella: sed nullus potest stabilitatem quassare structuræ. Quid autem expendo tempus in exprobratione malorum? nec enim fas est insultare diutius inimicis, filios dispicere sitientes.

Igitur hesterno nobis Paulus Apostolus adornauit conuiuium, hodie autem Matthæus: hesterno coriarius, hodie publicanus: hesterno blasphemus, hodie raptor. Sed non in blasphemia permansit blasphemus, nec raptor in rapina permansit. Factus est enim Paulus verus Apostolus, & utilis Doctor; factus est enim & Mattheus Euangelij prædicator. Memorabo priora peccata, vt posteriora merita enitescant: vt discastu, quid sit conuertere de malo in bonum, ne aliquando desis in propria vita. Doctores igitur nostri prius in criminibus sorduerunt, & inde conuersi in meritis sonuerunt. Quid blasphemus, & publicanus facti sunt? Quid est Publicanus? prædo sine pudore, medius exterminij, * nonne caput rapinæ, & lex violentiæ? Nonne immanior est furibus publicanus? fur namque vel * timens furatur: hic autem confidenter delinquit: * Fur laqueos legis timet, hic quid quid fecerit, legem putat: lex furem deterret ab illicitis: hic ad iniquum malitiæ suæ compendium legem trahit. Quis eo iniquior, qui verbis iustitiæ iustitiam damnat, & armis innocentiae spoliatur, vulnerat, occidit innocentes? lege utiq; legem peruertit, & dum vrget ad legem, ex lex est. Sed hic publicanus repente Apostolus

quo

Sapient. c. 4 v. 4.
& 5.Eccl. c. 2 v. 17
Aduersarij similes Frondi, & Plumbo.Caini Pauor.
Sapient. c. 10.
v. 3.Iusti constantia in aduersis.
Matth. 16. 18.D. Paulus, & D. Mitch. Oratori nostro argumentum præbent.
Vnus Coriarius, alter Publicanus.Vterque Apostolus.
Ex peccatis reliquis merita enitescunt.Declamatio in Publicanos, quæ suppletur ex 2^o In Sym.* alias.
* 2^o metuens;
* alias.

Matth 9.9.

Matthæi Con-
uersio.

Virtus Verbi Di-
uni.

Crucis Palma.

Iesus fecit mili-
tem de captiuo.

Conuertit Lutu-
in Aurum.

Nobis malum à
natura non est

infitum; de arbi-
trio nostro gra-

tia, libertasq;
adquiritur.

Eccl. c. 10. v. 22.

c. 11 v. 16. c. 15.

v. 14.

Eccles. c. 7. v. 30.

Deus criminis
fastigia destru-

xit.

Deus animarum
Medicus.

Vide Clement.

Alexand. ad Gent.

& in lib. 1. c. 2.

Pædag.

Sapient. c. 9. v.

19.

Eccles. cap. 17.

v. 1.

Sap. c. 10. v. 2.

Deus figurauit
Homine ex Lu-

to.

Art. f. x. admi-
randus corpo-

ris humani.

Nostri aufert
peccata.

Orator nosse
urget, ut pecca-

tores poenitear.

Magdalenæ xē-
plum.

Lacrymarum
prælidium.

Matth. 15.

24

quomodo, aut quatenore? *Transiens Dominus vidit eum seden-
tem in teloneo, dixitque illi: Sequere me & surgens secutus est eum.*

O virtus sermonis! venit crucis palma, & fecit militem de
captiuo, & lutum protinus conuertit in aurum. Venit crucis

palma, & surgens publicanus secutus est Christum; de profun-
do maroris gurgite super omne decoris fastigium sublimatur;

Non est enim malum in membris vestris naturaliter infitum:
de arbitrio nos gratiam, libertatemque adquirimus. Publica-

nus enim factus est Euangelista, blasphemus factus est Doctor,
latro Paradisum meruit, seductor factus est verissimus adora-

tor. Non est quicquam in criminibus, quod non poenitudine
resoluatur. Et ideo Dominus ipse criminis destruxit fastigia,

ut nullus vitam suam etiam in sexta ætate desperet.

Ne dicas intra te: Peccaui, & quid faciam? habes imitati-
lem Medicum, qui resecat morbum, & sanat omnem languo-

rem: habes Medicum, qui adest gemitibus, & nutu imperat
sanitatem. Extanta te de improviso materia finxit, & viuifi-

cauit, ut esses: nunc factum te, & nutritum poterit obliuisci?
non erat antea homo, & Figurauit illum ex limo. Requiris forte

qualitatem: nescio ego, ipse scit artem suam. Numquid non
eras terra? Sed accepit partem terræ potens ille Opifex, & fecit

prius corpus tuum, in quo disposuit, & distinxit varia membra,
manus, & pedes, caput etiam, in quo oculi, & aures, os, & odo-

ratus, frons & genæ, & reliqua membra inferiūs. Ille ergo Arti-
fex, qui sic te proprio finxit arbitrio, non potest tua auferre pec-

cata? Noli sensus eius rimari, noli nodos examinare virtutis,
noli quærere quomodo fecit, sed mirare de facto.

Sed dicis: Feci peccata multa, & magna. Et quis est de ho-
minibus, qui non peccet? Tu dic: Erraui super omnes homi-

nes, sufficit in sacrificio ista confessio. Dic tu prius iniquitates
tuas, ut iustificeris; cognosce, quoniam peccator es: habe tri-

stitiam, cum conuerteris: esto ac si desperatus, & mæstus: sed &
lacrymas compunctus effunde: Numquid aliud aliquid fuit in

meretrice, quam lacrymarum effusio? & ex hac profusione
inuenit prælidium, & accepta fiducia accessit ad fontem Domi-

ni Iesum.

* Sed veniamus ad causam: quid ergo Euangelista? *Et inde
transiens Iesus venit in partes Tyri, & Sydonis, & ecce mulier Cha-*

nanæa. Miram rem ait Euangelista. Ecce mulier caput pec-
cati, arma Diaboli, expulsio Paradisi, doli mater, corruptio legis

antiquæ.

antiqua. Ecce mulier veniebat ad Dominum Iesum, mulier alienigena de gentibus, nouella plantatio; mirum negotium: Chananæa sequitur, Iudæi fugiunt, domestici derelinquunt, alienigena hæret. Ecce mulier de finibus illis egressa clamabat dicens: *Miserere mei Domine, fili David*. Mulier hæc Euangelista efficitur, probauit enim diuini consilij Sacramentum, quando & virtutem diuinam obsecrat, & carnis naturam confitetur dicens: *miserere mei, fili David*. Considera pulchram mulieris mentem: vide quid dicit. Non est in actibus, inquit, meis, non mihi de conuersatione iustitia: ad misericordiam tuam confugio, ubi non resedit, nec requiritur locus saluandi. Et quomodo ausa est mulier legis ignara, tam iniqua, sic abruptè accedere ad Fontem salutis? non petijt Iacobum, non rogauit Ioannem, non accessit ad Petrum: Sed hoc intermitteas, quid dicit? Non est mihi necessarius fideiussor. Suscipit in se poenitentia patrociniū, & sola currit, tenet eum in voce, ac dicit: *Miserere mei, Domine, fili David*. Ideo descendisti, ideo carnem suscepisti, ut & ego loquar ad te, & cum fiducia petam. Cherubin ad spectu eius tremunt in cælo, & in terra, mulier non formidat. Angeli metuunt in excelsis, & mulier non veretur: instat importunè, & voce sua exaggerat, dicens: *Miserere mei, Domine, fili David*. Non habeo opus sponforis: per me accedo, per me obsecro, miserere mei. Quid tibi opus est? misericordiam quaero. Quid pateris? dolorem, quem non suffero. Quid habes? filia mea captiua tenetur. Quid illi est? malè à Dæmonio vexatur. Et quid nunc? *Miserere mei, Domine*. Pignus meum consumitur, & pars corporis violatur. Opinio, inquam, exijt de filia mea, noli me videre peccatricem, & miseram: tu es Deus, qui secreta consideras. *Filia mea malè vexatur*. Quid desideras? ut liberetur de plaga. Miserabilis luctus consumpsit vterum meum, & animam meam perturbat sæua tempestas. Quid faciam, nescio. Patitur misera, nec sentit tormenta, nec mortem scit timere, nec vitam sperare. *Miserere mei*, tacet confusa, & causam tormenti ignorat. Me adspice, Domine, me exaudi, vide diurna vulnera mea. Illa patitur, & ego deficio: passio eius pauorem incutit cunctis, facta sum omnibus spectaculum. Quid faciam? aut quò vadam? non possum ab illa quòquam diuelli, non potest sola derelinqui. Non enim de foris venit, sed intus est expugnator, in se habet hostem, & gladium; nauis est, quæ de se concitat tempestatem, non inuenio nomen

* Ad Chananæam procedit Homi-
læ thema.

Math. 15.

Eccl. c. 25. v. 33.

Mulier, caput
peccati, Arma
Diaboli.

Chananæa effi-
ciunt Euangelis-
tas.

Eius fiducia.

Deus, Fons Sa-
lutis. Ex Proverb.

c. 8. v. 35.

Chananæa Filia
à Dæmonio ve-
xata salutem
flagitat.

passio-

passionis eius. Miserere mei, Domine, fili David. Utinam defuncta fuisset filia mea, quam sic viueret; si enim mortua fuisset, & sepulta, exacto iam tempore oblita fuisset, nec meminisset vulneris, aut doloris. Nunc vero cadaver semper in domo est: causa mea, sepulcrum eius; augetur quotidie vulnus meum, & crescit opprobrium. Quomodo? video oculis meis, istorum adpectu, torqueri manus, crinium vittas exolui, ac spargi, spumas ex ore diffundi, dare mugitum horrendum, sauire intus inuisibilem inimicum, improvisum hostem, & pugnam manifestam. *Miserere mei, Domine*, quoniam filia mea erat, & facta est Daemonis esca. Non audeo illi proximare, non possum contingere, prohibet me pavor, expellit ipsa passio dira. *Miserere mei, Domine, fili David.* Qui ex vobis patres fuerunt, adiuvent verba mea: quæ matres, lacryment una mecum. Non sufficio exponere dolorem, quem mulier ista sustinuit. *Miserere mei, Domine, fili David.* O prudentia femina! non utitur hominibus deductoribus, non utitur hominibus seductoribus, non secuta est vares fallaces, non quasiuit inanes ligaturas, aut ad falsa confugit præsidia; Sed omnem relinquens Diaboli cultum, venit ad Dominum Iesum omnium Salvatorem, & dicit: *Miserere mei, Domine, filia mea male vexatur.*

Chananeæ Prudentia.

Ad falsa non cōfugit Præsidia; ad ligaturas inanes, ut ait etiam Iansen. in concord. Euangel. pag. 379 Thom. in Caten. Aur. Lege Delrio Disq. mag. lib. 3. v. 2. pag. 206.

Sap. c. 9. v. 4.

Deus Amator omnium non respondet Syrophenissæ.

Sapientia diuini Medici in abeoganda cura, hoc silentio.

Virtus Fœminæ pulsatur.

Christus silentiū rumpit cum Apostolis.

Medicus verus differt curam, exulcerat vulnus.

Ars magna ipsius.

Responsum examinatur.

Cur se tantum liberatorē Israel dicat Iesus, Vniuersi Redemptor.

Vidisti sensum mulieris probantis Sapientiam eius: sed vide aliud nouum, & inexpertum negotium. Petiit, & obsecrat, & lamentum suum producit in clamorem; & amator omnium Deus non ei respondit verbum. Tacet fons vitæ, & pius medicus contulit medicinam, & abnegat curam. Quid est hoc, Domine? nescio, si non suscipis pulsantem mulierem. O Sapientia medici! Dominus, inquit, non respondit ei verbum. Quapropter, nisi ut detegeret sapientia eius virtutem? propterea dicunt Discipuli: *Dimitte illam, quia clamat post nos.* Sed humanus Deus vitam mulieris, virtutemque pulsabat. Et quid ait? *Non sum missus, nisi ad oues, quæ perierant, domus Israel.* Nihil proficiunt nec ipsi Apostoli suggerentes. Verus medicus differt magis curam, exulcerat vulnus, & potestatem suam arte quadam excusat, ut latentia panderet Sacramenta. *Non sum, inquit, missus, nisi ad oues, quæ perierant, domus Israel.*

Hinc hunc confiderate sermonē, & ad verba mea dirigite intellectum, quoniam profundam volo comparisonem exolvere. *Non sum missus, nisi ad oues perditas Israel.* Quid est hoc verbum? quæ est ista excusatio tua? numquid ideo corporeus factus

factus es, & multa in te mysteria reuelasti, vt vnum tantummodò angulum liberares, & integrum relinqueres orbem? Pontum, & Asiam, & Aegyptum, Ciliciam, & Cappadociam, & reliquas nationes relinqueres, & de Israel tantummodò curares? relinques terram desertam, nationes despectas, & solis Iudæis factus es liberator? Non vides iniurias patris tui in falsis simulacris, & in Dæmonum ceremonijs exerceri? An non hæc etiam Prophetæ vulgauerunt? Quid dicit ad finis tuus Dauid? *Postula à me, & dabo tibi gentes hereditatem tuam, & possessionem tuam terminos terræ.* Quid Esaias, qui Seraphim oculis suis respexit? *Exsurgat virga de radice Iesse, qui dominatur omnibus, & in eum fines terræ sperabunt.* Quid Iacob Patriarcha dicit? *Non deficiet Princeps ex Iuda, nec de senioribus eius dominator, donec veniat, cui destinatum est: & hic est expectatio gentium.* Quid etiam Zacharias Propheta? *Propter vos, inquit, claudentur portæ aere, quoniam ab ortu Solis usque ad occasum glorificabitur nomen Domini, in omni loco effundent libamina ante ipsum.* Dauid ipse quid iterum dicit? *Omnes gentes plaudite manibus, quoniam Deus excelsus terribilis, & Rex magnus super omnem terram.* Denique quando natus es in carne, quos vocasti? nonne Magos? Numquid Prophetas venisti vocare, qui ipsam salutem gentibus cecinerunt? Apostolos etiam cum mitteres, quid eis dixisti? *Docete omnes gentes, baptizantes eos in nomine Patris, & Filij, & Spiritus Sancti.* Et nunc quando misera hæc mulier acerbis doloribus, & stimulis coarctata rogat te, & obsecrat pro filia sua, vt eam à funesta passione absolvas, modo dicis: *Non sum missus, nisi ad oues perditas domus Israel.* Venit ad te Centurio, rogans pro puero suo, & dixisti: *Ego veniens curabo eum.* Penderis latroni Paradisum reuerasti, Paralytico imperasti dicens: *Surge, tolle lectum tuum & ambula.* Lazarus de monumento, te vocante, rediuitus surrexit, varia quoque languorum genera Verbo sanasti; latrones liberaisti; meretrices virginibus prætulisti: solam hanc miseram Chananæam respicisti deprecantem. Quid est hoc verbum miraculi inauditum? Nunc intendite, vt sciatis, quale compendium incipit reuelare. Quando liberatus Israel à plagis Aegyptiorum, & à Pharaone extractus transijt populus per desertum, præcepit ei Dominus in lege, vt non communicarent Chananæis, & non venirent cum eis, quoniam sine lege erant, idola immunda colentes. Præcipit ergo Deus in lege Iudæis, vt non Mercarentur cum eis, nec con-

Psal. 2.

Esai. 11.

Gen. 49. 10.

Zach. 1. 10. & 11.

Psal. 46. 1.

Matth. 28. 19.

Christus exau-

diuit

Centurionum,

& Paralyticum.

Matth. 8. 8.

Marc. 2. 11.

Lazarum resu-

scitauit.

Verbo morbos

sanauit.

Sap. 16. 12.

Latrones libera-

uit.

Meretrices ab-

soluit.

Deus præcepit

Iudæis, ne com-

municarent Cha-

nanæis.

De Idolatria hu-

ius populi Lo-

rains, alijq; Sa-

pient. interpre-

tes. in cap. 12.

v. 3.

De mercatura

Chananæor. ex

Proverb. c. 31. &

v. 24.

Sed quid respondit mulier? *Etiam, Domine, potes, si volueris.*
O mulier Violenta! Dominus dicit: *Non licet.* Et illa dicit:
Etiam, Domine, potes, si volueris. Oblita est Verecundiae, &
intermisso pudore conatur vincere Dominum. Dominus di-
cit: *Non licet tollere Panem Filiorum, & mittere Canibus.* Et
illa respondit: *Etiam, Domine, sum quod dicis.* Canem me vo-
cas, canis sum; agnosce nomen meum, confundis me tu; sed
ego

ego non recedo à te: Canis sum, sequar te, quasi Canis: porrige mihi aliquid. Non quæro Panem Filiorum: da mihi vel micas, quoniam & Catuli manducant de micis, quæ cadunt de mensa dominorum suorum. O certamen pietatis! o prudentia Fœminæ! *Canem me dicis, Domine: Sum ergo. Ergo nutrimus velut Canem: non possum relinquere mensam domini mei. Canem me appellas; porrige micas. Dixisti causam meam, distulisti petitiones meas, manifestasti conditionem meam: adiuua me nunc, quoniam & Catuli edunt de micis, quæ cadunt de mensa dominorum suorum.* O mulier! accepisti subito laudem, & inuenta es electis electior. Idcirco tacet Dominus, ideo distulit, & prorraxit, ut mentem tuam perpenderet, & viam de te produceret vocem. Si enim statim ut cœpisti petere, accepisses, recessisses, & nemo fidem tuam probasset, nullus mentis tuæ cognouisset arcanum. Nunc autem quia intellegis Dei virtutem, & sic te cognoscit, ut dicas: *Etiā Catuli edunt de micis, quæ cadunt de mensa dominorum suorum; laudo te ego, & dico: O mulier, magna est Fides tua, fiat tibi, sicut vis.*

Audiant hæc inertes, & improbi, qui dicunt: Oraimus, & non impetrauimus. Quid loqueris, homo? instant èr ora, importunè obsecra. Siquidem pulsanti aperietur. Sed dicis: Deprecatus sum semel, iterum, & ter, & quater, & septies, & decies, & vicies: & non exaudiuit Deus. O stulta inuentio! & quid nunc, quia non es exauditus, iam recedis à Domino, & desistis à prece? aut non vides perseverantiam mulieris Chananae, quomodo magis appropriata insistit; & repulsa importuniùs obsecrat; nec arte cessauit, quam quod quæsiuit, inuenit? Sunt multi quidem, qui intrant in Ecclesiam, & strepunt in oratione, confusè, atque intemperata voce dispergunt verba sua, & egres- si foras obliui sunt omnia. Hi sunt, qui labijs hinniunt, & corde non concipiunt. Si tu ipse dicta tua, & preces ignoras, quomodo te exaudit Deus? Dicis: Inclinaui genua mea, & oraui. Genua tua inclinaui in terram: & mens tua foris per diuersa discurret. Corpus quidem intus, sed cogitatio foris, lingua tua pecunias numerat, & vsuras. Diabolus malus, & inuidus inimicus, quando oramus, tunc magis incumbit, & obstreper. Non nos pulsat, cum securi iacemus in lectulis: venimus ad orationem, & ille nos cogitationum stimulis turbat.

Huius versutias cogitantes reuertimur ad mulierem Chananaeam, quæ sic obsecrat: *Miserere mei, Domine, fili David, Filia mea*

Ut talis non vult recedere à Domino.

Certamen Pietatis inter ipsam, & ipsum. Petit micas de Mensa, more Catulorum. Laudatur eius magna Fides. Vide Chrysologum. serm. 100. de Chananaea.

In illos, qui à Domino recedunt, quia subito eorum preces non adimplentur.

Inuentio stulta. Perseuerantia Syrophœnicissæ.

Varæ aliquorum Preces in Ecclesijs. Labijs hinniunt, & corde non concipiunt. In Auaros. Diabolus nobis obstreper, quādo oramus.

Chananaea instat pro Filia Energumena.

Quisq; sic pro
Anima sua obse
crare debet.
Magnus Dæmon
est peccatum.
Vide Linguel. vi
supr pag 86.

Miserere mei
Deus, sermo bre
uis, sed virtute
plenus.

Clamandum nō
voce, sed mente
Deus & tacentes
exaudit.

Nec tam Locus,
quantum sensus
quæritur.

Exempla ab Hie
remia in carcere
A Daniele in La
cu.

A Pueris in For
nace.

A Iob, sub die.

A Latrone de
Cruce.

Templum ubiq;
oranti.

M ysis præcor
dia clamant cō
tra Pharaonem.
Exod. 14. 15.

Deus ubi q;
Iesus Chananaea
solatur.

Eius voluntati
obtemperat
Chananaea quā
tum elegantior
in Fide.

Tantum Christus
elegantior in
Virtute.

Ecclesi. 8. cap.
15. v. 2.

mea male à Dæmonio vexatur, dic, & tu; Miserere, Domine, quia anima mea pulsatur à Dæmonio. Magnus Dæmon est peccatum anima. Nam Dæmon exinguitur. peccatum vero stat, nisi satisfactionibus absoluitur. Grandis sermo est, Miserere mei, Deus; brevis quidem, sed virtute plenus. Nam etsi foris fueris, clama, & dic, Miserere mei, Deus: clama non voce, sed mente; nam & tacentes exaudit Deus, nec tam locus quæritur, quantum sensus. Hieremias in carcere confortatur: Daniel inter leones exultat: tres pueri in fornace tripudiant: Iob nudus sub die triumphat: paradysum de cruce latro inuenit. Quid ergo si fueris in publico foro? ora intra te: noli quære locum: locus ipse es. Ibi ubi fueris, ora. Si fueris in balneo, ora, & ibi templum est. Si steteris ante iudicem, ora: insurgit iudex contra te, ora. Mare ante te est, & post te sequitur Pharaon, ora. Nihil loquitur Moyses, & Dominus ei dixit: *Quid clamas ad me?* os eius tacet, & præcordia clamant. Et tu cum steteris ante iudicem furiosum, ubi sunt crudeles ministri, ora intra te, & turbines illi protinus resoluuntur. Iudex contra te est: tu te ad Dominum confer: proximat te poenis adfligere: tu ora intrepidus, & sedabitur in sania; Nunquid homo est Deus, vt labore quærat per loca diuersa? Deus est, qui adest ubique. Si quæris hominem, dicitur tibi: Non est hic, aut non illi vacat: Non est sic in causa Dei: hoc tantum est, vt dicas, Miserere mei, Deus; & ipse prope est, vt te liberet, & adhuc loquente te, dicit, *Ece adsum.*

Quid ergo Chananaea? *utique, Domine, nam & catuli edunt de micis, quæ cadunt de mensa dominorum suorum.* Et quid Deus? *O mulier, magna est fides tua, fiat tibi sicut vis.* Vbi sunt disceptatores iniqui? Nunquid dixit, *Exspecta mulier, donec oro Patrem meum?* sed quid dixit? *Fiat tibi sicut vis.* Quantum elegantior illa in fide, tantum Christus eminentior in virtute, qui gratiam suam sensibus eius infudit. *O mulier, magna est fides tua.* Quomodo magna? non vidisti mortuos resurgentes, non vidisti leprosos mundari, non cognouisti legem, non audisti Prophetas; sed audisti impropria, & meruisti repulsam; refutauisti te, & non recessisti a me. *O mulier, magna est fides tua.*

Mortua est mulier, & laus eius speciosa est plusquam margaritis intexta corona. Quocumque ieris, audies Christum prædicantem: *O mulier, magna est fides tua.* In Gothorum concilio, in Sydoniorum, vel Persarum conuentu clamat hodie Dominus

minus Iesus, & dicit: *O mulier, magna est fides tua. Et quid deinde?*
Fiat tibi sicut vis. Non dixit: Sano filiam tuam, *sed Fiat tibi,*
sicut vis. idest, tu ipsa sana filiam tuam; tibi eamtrado; tu eam
 cura, in tuo arbitrio pono & medicinam: vade in pace, & pone
 super eam manus tuas, & fiat tibi sicut vis, cum tua voluntate a
 passione purgetur. Non iussit, non imperavit Dæmoni, ut exiret:
sed fiat tibi, sicut vis. Voluit enim, ut ipsa mater sanaret Filiam
 suam, & Dæmonem effugaret. Vbi sunt, qui dicunt, non virtute,
 sed prece omnia impetravit? Si minor est Patre, quomodo
 dicit: *Fiat tibi, sicut vis?* Et sanata est filia eius ex illa hora? Ve-
 niebat enim mater deforis, sed antequam veniret, sanata est.
 Intrauit, & inuenit filiam suam ab immundo Dæmone libera-
 ram. Consumata est voluntas eius, & facta est sanitas: & pro
 eis omnibus gratias agamus Deo viuo, cui est honor, & gloria in
 sæcula sæculorum. Amen.

Præmia quæ Fi-
 dei meruerunt
 robora tantæ.
 Ex Iuuen. lib. 3.
 de Euang. Histor.
 Elogium 29.
 Iuglar. & Abb.
 Picinell pag.
 147 de Fœmin.
 S. Scrip.
 Christus vult ab
 ipsa matre sa-
 nari prolem.
 Non est minor
 Patre Eterno.
 In Arianos.



PETRI APOLLONII COLLATINI

Præsbiteri Nouariensis

Heroicum Carmen

DE DVELLO DAVIDIS, ET GOLIAE,

Elegia,

Et Epigrammata

Nunc primò in lucem prodeunt

Studio, & cura Lazari Augustini Cottæ

de Ameno Nouarien. Diacon.

Sub Auspicijs

Ill.mi, & Reu.mi D.D.

FEDERICI CACCIAE


PATRITII NOVARIENSIS,

I. V. D. COLLEGII MEDIOLANI,

Abbatis Sancti Laurentij ad Putheum &c.

Ac Sac. Romanae Rotae Auditoris

Integerimi.



MEDIOLANI Ex Calcographia Ghisulphiana. 1692.
Superiorum permisso.

*Exul Apollonius latebris, quibus hætenus hæsit,
Exilit, & patria sistit se luce videndum.*

Ex Vander.. Burch.

P*ura è Castalidum fonte fluens a his in carminibus ex-*
currere agnoui: quare, utcuicunq; nitidam Latinam
Poesim sitiens ex illis bibere liceat, in publicam
omnium potestatem eadem typographorum labore
desuare optimū reor, Med. Nonis Iunij anno 1692.
Ego D. Hieronymus Meazza Cler. Reg., Sacræ Theol.
Professor, Cœnobij S. Antonij Mediolani Præpositus,
pro Sanctissima Inquisitione Censor Librorum.

Imprimatur

Fr. Michael Seraphinus Angelerius Sacr. Theol. Magi-
ster, Doctor Collegiatus, & Commissarius S. Officij
Mediolani.

Bartholomeus Crassus pro Eminentiss. D. D. Cardinali
Viccomite Archiep.

Franciscus Arbona pro Excell. Senatu:

Ill.^{mo}, ac Reu.^{mo} D. D.

FEDERICO CACCIAE.

Lazarus Augustinus Corta I. C.

S. P. D.

Ietri Apollonij Collatini Cattanei concisui tui opusculū de Duello Davidis, & Goliae mihi nunquam innotuisset, diutiusq; (reor) privati iuris fuisset, nisi primus omnium (quod sciam) Ioannes Mabylon superioribus annis in suo Itinerario Italico inter præclariora literatū monumenta patefecisset, ac nisi Andreas Pusterla Bibliothecæ Ambrosianæ Præfectus, vir emunctæ naris, omnium bonarum artium, ac disciplinarum cultor acerrimus, priscorum nostratum Scriptorum ineditorum diligens investigator, ac mihi plurimum recolendus, insigni quodam mirandæ comitatis lenocinio authographum exscribendum impetrasset ab erudito, & nunquam satis laudato viro Antonio Malia-
beco Mediceæ Bibliothecæ Præfecto, ea accepta
lege,

4
lege, vt veluti argumentum à nemine Poetarum
decantatum typis cūsum euulgetur non modo
pro Nouariensis, sed & Italici nominis dignitate.
Cupiditatem videndi operis accendebat seuerio-
rum virorum varijs studijs agitata, & non inglo-
ria de Collatino censura. Vnicus verò Pusterla
me Nouariensium Scriptorum collectorem diu-
tino desiderio fatigatum, Nouariensem iuuentu-
tem studijs humanioribus deditam, totamue
fere (vt opinor) Remp. literariam valuit conso-
lari. Insana quadam alacritate hanc poesim per-
legi, suspexi, exscripsi, & typis impressam tibi
inscribere censui, quippe qui vel Francisci aui tui
Equitis, Poetæ, Oratoris, I. C. ac Consiliarij, vel
Camilli proauilurceconsultissimi ex Questoribus
Magistratum Mediolanensium, vel tot celebriū
virorum, qui è gente Caccia, & vel vniuersa Ci-
uitate Nouaria patria tua prodierunt, viuū simu-
lacrū refers, cum in te vno omnium bonarum
disciplinarum, humaniorum literarum, Iuris-
prudentiæ, ac cuiusuis præclaræ artis studia, qui-
bus ipsi singillatim pollebant, certatim cōfluant,
teq;

5
teq; vnicum Nouariensium in Romana Curia
decus honoribus, dignitate, atq; splendore cumu-
lare contendant. Nec sat tibi videbaris exhibuisse
experimentum virtutis tuæ, ni etiam ab infu-
lis, quas tibi designarat Maximus, Optimus ille
Innoc. XI. tui (ausim dicere) necessarijssimus,
raro animi demissionis, & moderationis exem-
plo te subtraxisses. Maiora postulat, tibiq; parat
virtus tua. Sublimiori thiara S. Zephyrinus,
Alexander V. Innoc. IX. PP. MM. Nouariam
eorum patriam illustrarunt. Ardicinorum
(aui, & nepotis) adhuc effulget purpura:
Hos virtus euexit. Verum ne præclaras animi tui
dotes præclariora tibi pollicentes videar commi-
nisci, hoc vnum mihi polliceor, quod nempe
munusculum Poeticum veluti meæ erga te ob-
seruantia testimonium pro tua humanitate exci-
pere, tueri non dedignaberis. Vale. Ex Oppido
Ameno in Riparia S. Iulij Diæc. Nouariensis
VI. Id. Iunij MDCXCII.

6
Nonnulla
DE PETRO APOLLONIO COLLATINO

Lazarus Augustinus Costa l. C.

Ex suo Museo Nouariensi MS.

Petrus Apollonius Collatinus, cognomento Cataneus, Præbiter, natione Italus, patria Nouariensis in Insubribus, Patritijs ortus parentibus vixit sub finem sæculi Christiani quatuordecimi. *Adrianus Vander-Burchius* Batauus, qui primus Collatini Poema notis illustravit, in præfatione editionis Antuerpiensis anni 1586. incertum dicit, qua ætate floruerit. Et sane *Margarinus Bignus* Gallus to. VIII. Biblioth. Veter. PP. *Collectores* Magnæ Biblioth. PP. to. XII. & cum eis *Ricciolus* Ital. tom. III. Chronolog. Refor. pag. 271. sub septimo, & vel octavo locant sæculo. Verum recentioribus *Angeli Politiani* temporibus adscribit *Gerardus Jo. Vossius* Germanus de Historie. Latin. lib. III. pag. 811. & ad annum circiter 1490. refert *Gaspar Barthius* Germanus Aduersariar. lib. III. c. XXVII. Huiusmodi quæstionem *Philippus Brietius* Gallus Acutè dicta lib. V. pag. 63. exposuit, at indecisam reliquit. Igitur cum Poëmæ Fastorum,
8

& de Urbis Hierusalem euerfione Collatinus eodem libello ad Cardinalem Ardicinum iuniorem de la Porta conciuem suum tunc Episcopum Aleriensem nuncupasset, satis constat de tempore, cum in comperto sit, Ardicinum anno 1475. ad insulam Aleriensem euectum, & anno 1493. ad Superoseuolasse. Addas & Heroicum Carmen de singulari certamine Davidis, & Goliz ab authore dicatum Laurentio de Medicis, plura Poetica per ipsum missa ad Philippum Medicum, quos sub id temporis vixisse constat. De rebus ipsius nil certi habeo, quod referam, cum & imo traditione circumferatur, se dimidium nominis, cognomenue sub Anagrammatismo (Apollonius Collatinus) abdere studuisse. Eum vel quam maximè laudant, vel appellitant, vel notant præter supra relatos.

Plotus Nouariensis in Ind. leg. si quando. V. Nouariæ plures alij.

Gesnerus Germanus in Biblioth.

Possennus Italus in Apparatu.

Isaacs Casaubonus Germanus in Vespel.

Pennotus Nouariensis H. B. Tripart. lib. III. c. LI. n. 11.

Scaligerus Italus Poetices lib. VI. pag. 307.

Hyppolitus Maraccius Ital. Biblioth. Mar. p. II. pag. 224.

Coccinus Ital. Thesaur. Catholic. lib. III.

Ludonicus Iacob à S. Carolo Burgundus Bibl. Pontif. pag.

179. 416.

Io. Philippus de Gaudio (quem de Nouaria vocitant)
 Nouariensis Chronic. Canon. Ord. pag. 11. 15. 19.
 25. ac alibi frequentius.

Leander Albertus Ital.

Aloysius Morerus Gallus Dict. Hist. to. I. pag. 294.

Iacobus Hoffmannus Germanus Lexic. to. II. lit. P.

Io. Mabyson Gallus Itinerar. Italic. pag. 194.

Hieronymus Meazza Italus & Poeta, & sacris literis
 æquè insignis, ac demum

Antonius Malibecus Italus (vir clarissimus) in priua-
 tis Epistolis familiaribus ad Andream Pusterlam
 Mediolanensem.

Scriptit præterea Collatinus, ediditq;

Fastorum Maiorum Libellum. Mediolani an. 1481. penes
 Oldericum Scinzenciller. Extat in Biblioth. Blan-
 chiniana Mediolani.

Poema de Urbis Hierusalem Euerfione. Mediolani 1481.
 recusum Parisijs 1540. opera Io. Gagnæi: Iterum ibi-
 dem annis 1579. & 1589. in to. 8. Bignei: Antuerpiæ
 1580. cum notis Vander -- Burchij.

Epigrammata plura in Chronic. Io. Philippi de Gau-
 diano.

Elegias, ac alia Poetica ad Philippum Medicum Anti-
 stitem Pisarum.

*Præstantissimo Viro
D. Laurentio de Medicis Ciui Florentino
Petrus Apollonius Nouariensis S.*

SE conferre tibi, seseque ostendere gaudet.
Quisquis, Cosmide, grandia dona facit.
Nec summis opibus, nisi summus ut ipse probetur.
Largiri tumidas sollicitatur opes.
Non idem fastus nobis, nec tanta facultas;
Parua damus nulla conditione pares.
Nam quid diuitias Pactolo accrescere nitamur?
Aut aurum ripis accumulare Tagi?
Quidue mari Rubro gemmas immergere cures,
Aut Arabum filuis cinnama pura date?
Tota tibi pleno fudit se copia cornu,
Famaque; fortunis est minor ipsa tuis.
Si tamen & foelix eadem mihi Diua fuisset,
Acciperes larga dona superba manu.
Sed præter carmen vari nil præbet Apollo,
Dulceque; Pyerides nil nisi carmen habent.
Id solum tenues possunt donare Poetæ,
Hanc messem noster reddere nouit ager.
Ne tamen omnino videar te ignotus adire:
Est nonnulla mihi gratia iuncta tuis.
Accepitque; meas Pisarum gloria Præsul,
Atque; suas mihi reddidit ore notas.
Nuper huic Elogos, Heroa & carmina misi
Grata nimis, lector si modo vera tulit.
Quare age, florentis patriæ Clarissime Ciuis,
Ne tanto spernas tu quoque; grata viro.

B

Exiguus

Exiguus liber est, magni sed fata Goliz

Pars habet, & tenui grandia voce sonat.

Altera pars miscet elegis epigrammata paucis,

Flebilis in medio est scripta querela Iesu.

Tempus erit, fortasse tuas quo dicere laudes

Ordiam, & patris, vel senioris aui,

Quorum fama viget nullos delenda per annos,

Quamuis sub tumultis ossa sepulta latent,

Interea paruum non dedignare libellum,

Atq; hunc, si merui, quaeso aliquando lege.

*Petri Apollonij Nouariensis
De Duello Davidis, et Goliz
Heroicum Carmen incipit feliciter:*

PRælia fatidici Davidis, sæuiq; Goliz,
Musa refer, nec prima time vestigia campi
Insoliti. Cœpisse opus est: spectaberis olim
Grandior, ante diem Paræ nisi stamina rumpant,
Neu desit cœptis studijs dictator Apollo.
Plurima iam tristi prostrarat corpora letho,
Perq; dies in eade magis furibunda Goliz
Dextera fortis erat, populo nec Saulis vlla
Profuerant vires: vnum pepulisse furorem
Non poterat numerosa manus, solusq; pauentes
Mille sub ignavis cogebat degere tectis.
Ergo omnes cessasse videns, timidosq; latere,
Elatus campo festur, verbisq; superbis
Incrépat attonitos hostes, ac talia iactat.
Non pudet, à miseri, vallo, claustrisq; teneri,

Vnius

Vnius terrente manu? quid statis inertes?
 Aut vibes nobis, tutosq; relinquite fines,
 Aut valida pugnate manu: concedat Hebraeus
 Arua Philistæis, quæ non valet ense tueri.
 Prodeat huc aliquis paria in certamina mecum:
 Quid vero expecto solum? quin, exeat omnis
 In me conuersis telis exercitus: vnum
 Sufficiam cunctis magnorum stirpe Gigantum
 Progenitus, cælo quondam qui pellere Diuos
 Aggressi fecere Iouis discrimina regno,
 Cum super ingentem statuissent Pelion Ossa.
 Talia dicentem trepidæ cum Rege phalanges
 Spectabant, nec ferre manum, nec reddere voces
 Cuiquam animus: quippe illa omnes terrebat imago
 Grandior, & senis cubitis erecta sub auras,
 Et quales artus posses agnosce Gigantis.
 Haud aliter clausæ stabulis clamore luporum
 Exanimantur oues, rapido quos ore frementes
 Moliri quacunq; aditus è parte tuentur:
 Hæ trepidæ inter se coeunt, gemituq; queruntur
 Dum sic ille furens tumido sermone minatur,
 Germanis alimenta suis in castra ferentem non
 Aduentasse fuit Dauidem, quem consitus annis
 Iusserat, armento, genitor properare, relicto
 Iesseus exigua Bethlem non incola vilis
 Huic septem natos festæ solatia vitæ
 Ediderat coniux. Martis tolerare labores
 Primi tres, at cura gregis successerat illi
 Namq; pecus fuerat priscorum maximus olim
 Census, & hinc habuit funesta pecunia nomen.
 Hic vbi correptas tanta formidine mentes

B 2

Aspexit,

Aspexit, quæ causa, rogat, cupidusq; referri
 Flagitat, atq; aliquam spondet fortasse salutem.
 Audebat vix quisq; loqui: tum deniq; narrant,
 Ostenduntq; virum: puduit tam vilia turbæ
 Pectora magnanimum puerum spectasse, simulq;
 Indignatus ait: Populi proh dedecus ingens
 Israel! hæc virtus maiorum? hæc gloria belli?
 En vnum fugitis multi, vos territat vnus
 Imbelles ceu miluus aues: nec tendere contra
 Auder, & hoc aliquis morti demittere monstrum,
 Seruaturq; mihi? per ego hunc metuenda Tonantis
 Numina, si rabidos potui superare leones,
 Eripiam mundo: me me petit ultio tanta.
 Dixerat, & cunctis nimium miranda loquutus
 Visus erat: fratres etiam reprehendere dictum
 Seu faceret liuor, siue illi fata timebant,
 Degeneres quos ipse vocat, promissaq; firmat.
 Scinditur incertum vulgus: pars maxima laudans
 Incendit verbis, capiendaq; præmia Regis
 Commemorat: pars virtutem non credere tantam.
 Saulis interea volucris defertur ad aures
 Fama, nouum venisse virum, qui fata Goliz
 Spondeat, & iunctis decernere comminus armis.
 Continuò iubet acciri (nam forte corona
 Vallatus procerum, hoc mæstus Rex ipse petebat)
 Quò iussus postquam intrauisset, poplite flexo
 Concidit, & dicta simul, acceptaq; salute,
 Rex, ait, ecce tuus, tanto si dignor honore,
 Ille ego sum seruus, per quem ruitura nefandi
 Hostis, & hac dextra est habitura superbia finem.
 Risit in aspectu (neq; enim cognouerat illum,

Huic

Huic licet infernas quondam molliuerat iras
 Concordi resonante lyra) sic deinde profatur.
 Feruidus ah nimium circa præcordia sanguis
 Exultat tibi, dure puer, maioraq; suadet.
 Viribus exsuperat corpus fiducia mentis.
 Te ne satis magno credis superesse Goliæ,
 Quem si nunc dextra teneat, iaculabitur altis
 Montibus, & miserum corpus per frustra resoluet?
 At nondum valida quantus consurgat in hasta
 Expertus, quo se pugnando turbine verset.
 Deniq; maturis ætas tua debilis annis,
 Tu puer, ille vir est. Postquam sic pauca loquutus,
 Reddidit ista David. Nihil, ò Rex optime, nostram
 Ætatem culpasse nocet: plus corpore grandi
 Sæpius ingenium valuit, stratusq; pusillo
 Dente ferox iacuit serpens resupinus in antro.
 Ille ego namq; vrsos (puer vsq;) armenta petentes
 Insectans prædamq; tuli, victosq; peremi:
 Quin etiam tauros ausum tentare leonem
 Infilui, ruptis violento faucibus vngue,
 Corporibus donec anima indignata recessit,
 Et seruata mihi monstrari tergora possent.
 Qui me igitur tetrico potuit rapuisse leoni,
 Hic quoq; fautor erit: præsens Deus ipse fauebit,
 Ipse reget dextram, cassos nec proferet ictus.
 Quid ferus ille diu diuina lege fruente
 Inconcisus aget populum? Genitrice pudenda
 Natus, & ignarus nomen dixisse parentis?
 Stat generi nostro tantum releuare pudorem.
 Talia dicentem iam dudum Regia proles
 Spectabat Ionathas, patris reuerentèr in ora

Ab.

Abstrahit, optatam dextra coniungere dextram
 Irruit incensus tantæ virtutis amore.
 At Regi postquam tandem constantia visa est,
 Obstupuit, Dauidemq; manu complexus amica,
 Si tibi tantus, ait, vigor ardet, spesq; triumphi,
 I felix, ducente Deo, rem profer in actum.
 Quod si victor eris, per te si nostra salutem
 Castra ferent, humili nunquam de sorte querere.
 Est mihi præterea præstanti corpore nata,
 Quam tibi connubio iungam, stabilemq; dicabo;
 Hæc ait, & famulis lætus iubet arma parari.
 Haud segnes properant illi. Densissima fertur,
 Quæ corpus, lorica, tegat, quam tegmina circum
 Aptantur: pulchrum munit caput aurea cassis,
 Deinc lateri insignis capulo circumdatur ensis.
 Ut satis ex omni contactus parte refulsit,
 Insuetum pertentat onus: lædebat ineptos
 Sarcina tanta humeros, nec præbent brachia vires,
 Pes quoq; lentus erat. Vos hæc molimina, quaeso,
 Demite, nec gressus agiles offendite, clamat.
 Sit modo funda levis dextra, baculusq; sinistra:
 His ego tutus eam: dicens simul exiit omnem
 Ornatum, puroq; legens in gurgite quinq;
 Ipse pera condit lapides, tunicasq; recingit.
 Mittitur interea forti qui bella Golix
 Nunciet: ille suis ut adhuc confederat armis,
 Surgit, & immanem poscit sibi feruidus hastam,
 Præcipitemq; rapit versus tentoria cursum.
 Ceu leo, quem cupidum prædæ spes vana fefellit,
 Quum redit ad montes, si forte auditus in agris
 Mugitus tauri, rapido velocius Euro
 Currit,

Currit, & ancipiti scrutatur lumine vocem,
 Aspecto nondum complentur sanguine fauces.
 Quo moriture ruis? lux ista nouissima vitæ.
 Debetur, furibunde, tuæ, nudoq; recisa
 Horrendus ceruice solo sine honore iacebis.
 Quodquæ magis pudeat, puer hæc certamina de te
 Læta dabit campo nunc primum visus in isto.
 Nec virtute minus fidens, comitante suorum
 Agmine, læssides, portas exire patentes
 Festinabat ouans, incerto Rege relicto.
 Cui comes ante omnes Ionathas fidissimus ibat,
 Amplexusq; petens lacrymarum flumine multo
 Talia verba dabat: Faueant ò Numina summi
 Sic mihi sancta Iouis, te te vt prædonis iniqui
 Cæde resultantem patris remeare penates
 Aspiciam: certè nunquam tua dulcis imago
 Pectore ab hoc cedit, & quantum vita manebit,
 Auxilijs, studijsq; opibusq; iuuabere nostris,
 Nulla dies istum veniens delebit amorem.
 Ille cui: nec te, iuuenum mitissime, quicquam
 Sollicitet timor: accipies, quæ vota petisti.
 O semper venerande mihi, quo munere talem
 Promerui? quodue officium, quæ gratia fecit?
 His in se paritèr studio pietatis amicæ,
 Aggere discedunt, notumq; feruntur in æquor.
 Vt procul aspexit venientem turbidus hostem,
 Et baculum læua, dextra fundamq; Goliath,
 Substitit indignans, permixtaq; incipit ira.
 An mea diuersum traxerunt membra figuram,
 Insectorq; canis lasciui fuste puelli?
 Aut in auem vertor casurus ab arboze funda?

Ludimur à populo, nondumq; timemur inermes.
 Ah dabit is iustas, & tu puer improbe, pœnas
 Aliis damnade feris, morsuq; luporum.
 Dixerat: at contra paucis Iesseius Heros
 Ne sæui dictis: istum tibi mortis honorem
 Seruamus: nec parma teget, nec fortior hasta,
 Nec galeæ robur; noster Deus omnia vincit.
 Dixit, & aduersum gradienti prouidus altæ
 Incussit fronti lapidem; paulumq; recessit
 Ille ictu primo minimùm turbatus, & ira
 Plus satis exardens contra truculentior ibat
 Multa minans, iam iamq; manu retinere putabat.
 Protinus eductum funda stridente secundum
 Ter circumuoluens summa vibrauit ab aure
 Iessides: iterum media qui fronte receptus
 Discussit galeam, vulnusq; inflixit apertum.
 Tunc oculis densæ subito incubuere tenebræ,
 Incertusq; viæ, quo quo tamen ira ferebat,
 Tendit in hostilem faciem, ceu cuspide ferri
 Expectatus aper, mortemq; minatur acerbam.
 Tollitur ad cælum clamor, Dauidemq; phalanges
 Hortantur, firmantq; animum, sonat arduus ær
 Vocibus innumeris: At non exterritus heros
 Paulatim se se recipit, tum robore toto
 Innixus lateri partem speculatus eandem
 Impetit, & duplex vulnus confudit in vno.
 Labitur infelix rupta ceruice Golias
 Sanguineam quatiens moribundo corpore terram.
 Clamorem ingeminant turbæ, cinguntq; iacentem
 Circuitu longo, nec quisquam proximus ire
 Audet adhuc, nequeunt expleri corda tuendo.

Ille

Ille locum plagæ triplicis miratur, & ille
 Terribiles oculos, aliusq; immania membra
 Ostendit, grandesq; manus; hastamq; tremendam
 Qualiter occisum despectat rustica pubes
 Circumfusa lupum pecori commune ferentem
 Exitium, agricolisq; simul. Tacet ipse cruentos
 Ostendens cælo dentes, setaq; rigenti,
 Vnguibus & sauis etiam metuendus inanis.
 Cui David insistens læuo pede talia fatur.
 Occidis hic demum, proles generosa Gigantum
 I nunc, alitibus nostrum largire cadaver,
 Si datur, en matrem toto complecteris ore
 I, Stygias etiam genitorem quære per undas
 Hæc ubi dicta dedit, proprio mucrone recidit
 Monstruosum caput, & corpus sine nomine linquens
 In reliquum vulgus tepido conuertitur ense,
 Horraturq; suos. Partem fuga tuta redemit,
 Pars iacuit, moriensq; Duci comes iuit ad umbras
 Ast illum magno redeuntem in mænia plausu
 Rex generum firmat pactæ sponsalia nuptæ
 Lætus agens, dignosq; viro celebrauit honores

Iesu Crucifixi ad Iudeos querela.

Immemor ô soboles, operumq; ingrata bonorum,
 Quæ mea culpa tuam potuit pervertere mentem?
 Dic mihi, quid feci? merui quò crimine tantos
 In cruce suspensus membri perferre dolores?
 Non ne ego sum, qui te rabida Pharaonis ab ira
 Exemi? cuius paruo si tempore terras
 Incoleres, iam non supereset forma virilis.
 Num semper fulua te præcedente columna,

C

Pe

Per deserta tuli ? numero quum nullus in illo
 Sentiret minimum tanta de plebe malorum.
 Tu me, crudelis, manibus post terga reuinctis,
 Damnandum falsi traxisti in tecta Cayphæ.
 En meritis condigna meis, en debita merces!
 Ipse ego, dum fugeres hostem post terga sequentem,
 Aequora diuiso feci tibi peruia Ponto;
 Cum ducē submersi, fuerant quicunq; sequuti:
 Quadraginta super demissi manna per annos,
 Deserto faciente famem: quemq; arida fauces
 Immodico sub Sole tibi fatis vreret altis
 Montibus, è rigida produxi caute liquorem.
 Tu mihi, tu, mirram commisso felle dedisti.
 En meritis condigna meis, en debita merces!
 Quid non tentatum, gens ò vesana, reliqui?
 Quid potui, quod non feci? nam caesa flagellis
 Aegyptus per me doluit: tu libera terras
 Vbere facundas, & dulci lacte fluentes
 Intraisti: quid enim tali pro munere reddis
 Hostiles plagas, hostilia vulnera præter?
 Te propriae Dogæ potestas Lalla moucat:
 Dura Chananeis imponens frena Tyrannus:
 Hinc tua de cunctis populis victricia signa
 Secura tandem Regni statione recepi.
 Nec tantam propriæ genti mandata dedisti,
 Quin alias vrbes, atq; altera iura subegi,
 Per mare, per terras latissima regna parauī.
 Tu mihi cernicem calamo, tu sentibus aspris,
 Tu colaphis malas, signatq; ora saluīs,
 Tu me ad supplicium dure crucis acta furore
 Duxisti, saxa caput amplectente corona,
 Tu manibus, pedibusq; me iniquantis ab alto

Fi.

29

Fixisti clauos, ictu cogente, rectoris.
 Tu consuta meæ posuisti tegmina carnis
 In sortem rapienda tribus. Sic æquali rependis?
 En meritis condigna meis, en debita merces!
 An satis hæc? mucrone latus, scelerata, petisti,
 Haufistiq; meum: Hoc nati meruere redempti,
 Quos tibi nascentes iugulabat dextra Canopi
 Nonne locis potui vastis te perdere premiti
 Iniusto toties commotus murmure linguæ?
 Quum toties bello, toties petereris & armis,
 Quum aurea struxisti tauri simulacra nefandi,
 Num potui media gladio diuellere terra
 Funditus, ac plebi præponere Moysen alij?
 Num simul ac certas fundasti robore terras,
 Regibus innumeris potui dimittere captam?
 Paucorum vetuere preces: seruata fuisti,
 Impia gens: noscas, qui te seruauit in vndis,
 Et saltem duos animi nunc flecte rigores,
 Post ausum, factumq; nefas, depone furorem,
 Et dominum cognosce tuum, tandemq; verere.
 Non odi facinus: fuerat sic quando necesse.
 Marmoreis quamquam minus es commota columnis,
 Hactenus en ad me tamen huc secuta venito,
 In cruce porrectus moror en iterum, en ego fixas
 Tendo manus, Iudea veni: quæcunq; recepi,
 Dulcia sunt, ad me dum tu contrita reuertas.

Elegiacum carmen ad Calliope, et Musas.

In varias animum verti quum deniq; partes,
 Tu portus curis, Calliopea, meis,
 Atq; aliæ fontis seruantes stragaa sorores,
 Quem de Parnasi vertice fudit equus.

Ad vos pulsus agor disiecta naufragus alno,
 In vestros vultus, & mea damna queror.
 Ah quoties vitæ dum me, cæliq; pigeret,
 Et cuperem Stygij regna subire Iouis,
 Tristem lenistis mentis dulcore furorem,
 Qui nimum concors omnium ab ore fluit.
 Quin & seclusum thalamo, quem saepe petistis,
 Dignatæ nostro ponere membra thoro.
 Per vos hinc varij didici modulamina cantus,
 Nunc humili plectro, nunc grauiore sonans,
 Ergo si aduersos fortunæ vinco labores,
 Vestræ opis hoc, vobis gratia semper erit.

Laus ruris, et agricultura.

Fœlix, qui patrio vitam traducit in agro,
 Et sua qui proprijs excolit arua bobus.
 Qui dura vrbs dimotus fastidia vitat,
 Nec domini supplex limina dira colit,
 Publica quem tangunt nec vlla negotia, nec res
 Vnquam sollicito vix hinc agenda metu.
 Ergo hic aut lentas disponit in ordine vites,
 Aut notat errantis pascua lata gregis,
 Aut steriles ramos curuata falce recidit,
 Aut plus fœlices inserit, atq; locat.
 Infirmas nunc tondet oues, nunc amne salubri
 Merfat, & infusa corpora purgat aqua.
 Sapius antiqua iacuisse sub arbore gaudet,
 Quam circum gramen, mollis & herba virent.
 Proximus interea riuus dilabitur vnda,
 Hic cubat ad murmur pretereuntis aquæ.
 Exultant querulæ viridi de fronde volucres,
 Quæq; suos filijs fundere docta modos.

Semper

21

Semper adest, quid agat. Si feruida venerit estas,
Falce cadit longis Solibus vsta seges:
Area mulctandis spatiosa paratur aristis,
Truduntur latebris grana repulsa suis.
Vere nouo vineta crepat: suspenditur vlmis,
Conatuq; suo vitis in alta venit.
Pomifer Autumnus reduces parat inde labores:
Aut serit, aut ramis dulcia mala legit.
Quid pyra diuersis numerem nascentia formis?
Poma vel in species tam variata suas?
Tunc rudibus pedibus grauidos calcare racemos
Euenit, & strictis condere vina cadis.
Castaneæ molles dura sub crate latentes
Velluntur cauto pollice nocte cibus,
Quum iam bruma rigens horrendo turbida vultu
Longa magis solito tempora noctis agit;
Sed neq; tunc etiam cesset, semperue quiescet,
Aut semper pigros dormiet ante focos.
In niuib; magnis lepores agitare fugaces
Gaudet, anhelantem postque citare canem.
Vel laqueos auibus tendit, vel retia ceruis,
Sæpe lupos pedicis, sæpe retentat apros.
Tu quoque, cauta licet, nimumq; dolosa ferarum
Furta tamen, vulpis, casse retenta luis.
Quum verò leporem portat, captamq; volucrem,
Et repetit notas sole ruente casas,
Exultant natiq; rudes in limine plaudunt,
Hic auris leporis, ille retractat auem.
Ipse sedet, rudibusq; simul blanditur alumnis
Incerto referens verbula balba sono.
Testilis interea flammis alimenta ministrans
Decoquit allatos igne furente cibos.

Quid

32
Quid referam demum, quanta dulcedine cenent?
Quis non hic curas deposuisse queat?
O fortunatos igitur (sua si bona norint)
Agrícolas, vero dixerat ore Maro.

Conditionis humanae querela.

Omnia qui certo voluit succumbere fato
Corpora, nec cuiquam plusve, minusve fauet,
Idem tam varias voluit cur mittere pestes
Non euitatae mortis in officium?
Cur mille inuitas animas rapuere dolores,
Et morimur sauis terq; quaterq; malis?
Scilicet ex illo vani dixere Poetae
Morborum pestes incaluisse graues,
Cum genus Ypiti caelesti lumine raptas
In limum sacras transtulit inde faces.
At nos ob primos patimur mala tanta parentes,
Et peccasse duos publica poena fuit.
Ah nimium simplex, ne dicam, perfida mater,
Vel tu, quem decuit plus sapuisse, pater.
Et tu tantorum serpens inimice bonorum,
Vt merito, fraudis fers quoq; damna tuæ,
Qui prius athereas ibas erectus ad auras,
Nunc duram longo pectore verris humum?

Danae à Ioue decepta.

Inclusam turri quum te, pulcherrima Danae,
Acrisius tutam crederet esse pater,
Risit, & ad Venerem petulantem lumine versus
Iuppiter, hæc nobis eripietur? ait.
Hanc ego non aliquo facundam germine reddam,
Quis poterit murus? quis prohibere vigil?

Di

23

Dixerat, & celsæ residens in culmine turris
Diuina micuit aureus arce globus.
Quem super incumbens radio famulatus Apollo
Paulatim cepit soluere more niuis.
Protinus ad pluuiam virgo gauisa nitentem
Supposuit vestem, supposuitque manum,
Atq; vt deciderant, guttas redigebat in vnum,
Cogebat semet Iuppiter ipse volens.
Vt stetit in gremio, quantum defluserat, aurum:
Hic alium, dixit, nunc decet esse Iouem.
Nec mora: candenti circundat brachia collo.
Aspecto primùm palluit illa Deo,
Mox vbi fiderei rectorem agnouit Olympi,
Cætera non vllò murmure facta tulit.

Curius Romanus.

Munera Samnitum Curius fallacia ridens,
Exiguum qualis federat ante focum,
Et manibus vilem stringens fortasse catinam,
Seu pultes illi, seu magis esset olus,
Tunc ait: ad Dominos, legati, verba referte,
Plus illos curæ, quam sua dona mihi,
Et nos diuitibus, quam censu malle potiri.
O rigidos mores, & celebranda fides!

Epitaphium Scipionis.

Inc ola desertæ non æquo iure paludis
Quum prope fatales sensit adesse manus,
Noluit infernas tacitus descendere ad umbras
Scipio, sed tumulto pauca legenda dedit.
Perfida, virtutisq; ingrata ò patria nostræ,
Ossa quidem ne quæ condere possis, habes.

Co.

Coriolanus Romanus.

Exorare sacrae quem non potuere thiaræ
 Instantem muris, Roma superba, tuis,
 Vna semel potuit felix convincere mater,
 Et natum tumidis exonerare minis.
 Vincor, ait, lacrymas nec possum ferre parentis,
 Largiar huic vtero mania dira, licet.
 Protinus ad Volscos equitem, bellumq; reduxit.
 Hæc nocuit pietas, Coriolane, tibi.

Plancius Romanus.

Plancius extremæ dilectæ coniugis horæ
 Impatiens voluit proxima fata sequi.
 Ergo dolor primùm gladio per pectus adacto,
 Non potuit dextræ soluere vora trucidis.
 Namq; recens vulnus famularis turba ligauit,
 Inuitusq; redit in sua membra cruor.
 Nil tamen effecit sociorum cura fidelis
 Quis cupido mortem posse negare putet?
 Vt subito noti non conuenere, cruentas
 Vulneribus clausis intulit ille manus.

Annibal Poenus.

Pulsus ut è Latio vires ferus Annibal omnes
 Perdidit, in luxum Roma soluta ruit,
 Anxia quæ melius præsentem sub hoste fuisset,
 In se verterunt otia tuta manum.

Cæsar Brutus.

Vrbs habuit Bruto melius, nil Cæsare peius;
 Hic liberratem condidit, ille ruit.

Pom-

Pompei tumulus.

Niliacas vndas cymba quicumq; pererras,
 Ad tumulum Magni, nauita, siste ratem.
 Et dominum terræ quondam venerare potentem,
 Nec pigeat, quamquam mobilis aura vocet.
 Hic iacet in Pharia vix agnoscendus arena,
 Sed tamen est saxo litera scripta breuis.
 Hoc ne tuo dignum Magno, fortuna, sepulcrum?
 Sic Latij fuerat excipiendus honor?
 Obruitur bibula puluis malè tectus arena,
 Seruat honoratum proditor arte caput.
 Id quoq; cum trunco melius fluxisset in ignes,
 Victori fieret quam noua pompa Duci.

De Antonio Medico imperito.

Haufit opes postquam patrias Antonius amens,
 Et reliquum vidit nil superesse sibi.
 Nescio qua subita Medicum se protulit arte:
 Perdidit vt censum, perdere vult homines.

Adeundem.

Miratur vulgus, quod te fatearis Aliptem,
 Et facis exiguo tempore qui Medicum.
 Quid mirum? factos, sic, est quoq; fama, poetas,
 Largitur dotes vnus vtrasq; Deus.
 Ennius ante rudis dum fertur monte bicolli,
 Excitus assumpsit bella canenda sibi;
 Euomuitq; haustum toto de pectore vatem,
 (Cui nullum vidit Græcia locta parem)
 Qui dedit agrorum duris præcepta colonis,
 Dum sequitur tardos tardior ipse greges,

D

Incidit

Incidit in sacras Heliconis numina Musas,
 Quas inter medius pulcher Apollo fuit,
 Demissoq; genu, vatis poscebat honorem.
 Nec mora: quod petijt, turba verenda dedit.
 Quis scit, an in somnis veniens tibi Delius artem
 Fuderit, Antoni? quis neget, hocue probet?

Ad inuidum.

Obijcis obscurum semper mihi, liuide, northen,
 Inter nos quoties rixa pusilla venit.
 Et vicisse putas, cum me de plebe, reurges,
 Esse tuum prisca nobilitate genus.
 Hanc facit inuidiam tibi quæ domus vna propinqua
 Inuito cui te fors bona tora fauet.
 Rumperis, & dum vis tristem difundere bylim,
 Nil aliud nos quam rustica turba sumus.
 Stemmata nil faciunt: sola est, atq; vnica virtus
 Nobilitas: claros efficit illa viros.

Ad Prandum.

Si quis, Prande, manet lentus post funera nobis,
 Et penetrat stygias fama relata domos,
 Coniugis ipse tuæ videor sentire querelas,
 Mistaq; cum lacrimis talia verba pijs.
 Me miseram! nondum tentes fluxere capilli,
 Aut cutis est capitis arida facta mei,
 Ducitur in thalamos nostri noua nupta mariti:
 O vbi nunc pudor es! o vbi vera fides!

Ad Iouem petitiō.

Magne pater Dium, si non iniusta rogaris,
 Annue poscenti, vota q; parua dato.

Non

Non ego diuitibus cupio comes ire superbis,
 Aut cinctum multo ferre cliente latus:
 Non auro, argentoue mihi placet aspera vestis,
 Vel quæ de Tyrio murice tincta venit.
 Atria non opto Graijs effulta columnis,
 Extergant, famulas, quæ mihi sæpe manus.
 Urbanumue coquum, qui pulmentaria doctè
 Componat, varias qui benè cedat aues.
 Inter diuitias, paupertatemq; malignam
 Posco locum: vitæ debita posco mea.

De vasis fictilibus.

Cum possem lances, argenti ponere mensis,
 Fictilibus cenam cur sine laude, rogor.
 Cenauit Curius, cenauit Apicius olim,
 Cenauit primis Romulus ipse casis.
 His Numa placauit cælestia numina vasis,
 Men pudeant magnos quæ decuere Deos?
 Fregerit vt seruus, credas, minùs illa dolebo,
 Has quam si fugiens improbus abstulerit.

De pueris in utero pugnantis.

Anxia sollicitæ quatiuntur viscera matris,
 Bellaq; conclusus miscet vterq; puer.
 Nititur in lucem cuius, maturior ætas,
 Conanti magnis viribus alter obest.
 Utq; altis lentæ vites innectier vlmis,
 Utq; hederæ trancos implicuisse solent,
 Sic femori sæuus fraterno frateri inhæsit,
 Vagitusq; pares editus ore delit.
 Obstupuit præsens, & se Lucina negauit,
 Cui tulerit, primam dicere posse manum.

*Illu. q. D. Marchionis M.F.
Epitaph.*

Clara Ducis soboles, & clari Principis vxor
Elyfabeth, risus, deliciaq; breues
Hic iacet: ah nullo statuas discrimine Parcas
Hac pietas, saltem hac debuit esse pudor.
Tertia messis erat nondum tribus addita lustris,
In thalamos postquam venerat illa viri,
Gaudia vix poterat cari sensisse mariti,
Ceperat & primum tunc caluisse thorus.
Si non est ferro pectus tibi durius ipso,
Da lacrimas tumulo, qui legis ista suo.

Spectab. q. D. Catherina Epitaph.

Quantò frondosi graditur dum per iuga Cinthi,
Prominet archifero cincta Diana choro,
Tantò præstabat Latijs Catherina maritis,
Pulchrior & toto de grege nulla fuit.
Nunc decor eximius, nunc raræ gratia formæ,
(Heu facinus!) tumulo clauditur ille ritor.
Quid confert species? periit pulcherrima Dido,
Et pro qua struxit Græcia mille rates.
Forma abit, æternos illi seruabit honores,
Si qua fuit virtus, quæ numerosa fuit.

De Iuliano Curruca.

Omnia cum facilis credat Iulianus amicis,
Hoc audire, semel credere non voluit,
Mæchari vxorem: donec deprensa per ipsum,
Tum demum; nobis vera feruntur, ait.

Hac

Hac pœna coniux, hac est affectus adulter:
Vratur mulier simplicitate viri.

Ad Paulam.

Postquam, Paula, tibi decies centena reliquit
Raptus de supero frater vterq; polo,
Quamuis terdenos ætas tua præterit annos,
Qui sibi te poscat, alter, & alter adest.
Tu ne inter iuvenes, an dos certamina quæso
Tanta facis? cuius cernere, Paula, licet.
Cerberus inferna fratres è sede remittat,
Per totidem stabis tempora virgo domi.

Turtur avis.

Ammissio, consorte, decet, me viuere tristem;
Coniuge nec rapti gaudia habere licet.
Ergo ego nec viridi ramo defessa quiescam,
Solaq; per mæstas ibo, redibo vias.
Nec sumam nitidas puro de gurgite linfas,
Sordida sed nostram leuiet vnda sitim.
Disce fidem, coniux, à turture discite pudorem,
Cuius habet cineres fœtilis vna viri.

Rana.

Conqueror, & mergor limosa rana palude,
Latona: pœnas has dedit ira mihi.
Nil sibi piscator tracto de corpore sumit
Præterquam furras, posteriusq; femur.
Cætera vel ripis miluo rapienda loquaci
Deserit, aut iterum donat habere lacu.

Cancer

Cancer.

Si caudam demas, extremas si mihi chelas,
 Pars bona de reliquo corpore nulla meo est.
 Excepto, nisi sint lapides in fronte cauati,
 Quos vesica timeret, laxaq; fundit aquas.

Herba Senationum.

Fonte licet gelido mihi sit natalis origo,
 Quæ mouet vrinam, vis mea calda tamen.
 Me quoq; discreuit sexu natura creatrix:
 Sum maior folijs famina, mas breuior.

Cepa.

Cepa mihi pomen graco sermone: quod vnum
 In me conficiant omnia membra caput.
 Si fuerit molles verbis aditurus amicos,
 Stet procul, aut esu temperet ille meo.

Allia.

Allia messorum pastus sumus: edimus auras,
 Si quas venter habet, sin minus efficitur.

Porrum.

Non ego sum quouis iucundum tempore porrum,
 Sed postquam tegit cana pruina solum.
 Mandito me crudum, vel si libet, obrege prunis,
 Qui quereris, pressam pectoris esse viam.

Rafani.

Possumus è stomacho duros expellere pastus,
 Difficile, & lentè nos tamen egerimur.

Mala

31
Mala Parisiana.

Quæ non languenti medicus decocta negabit,
Optima de pomis parisiana sumus.
Si sapiet quisquam, fœniculi semina nobis
Addiderit, tumidum flamine pectus habens.

Mala rubiginosa.

Quamuis sit turpi cortex ferrugine tectus,
Hoc tamen ammisso, dulcia mala sumus.

Mala Punica.

Si non soluisset nostris ieiunia granis
Persephone, stygia libera sorte foret.

Mala Rusiola.

Quem non ista queat spectantem forma mouere
Altera pars albens, altera suaue rubens?

Pomus nana.

Aspice quam multis oneretur plantula pomis,
Et caput è summa vix benè tollat humo.

Mala rabida.

Ulcera mulcemus prunæ supposita calenti;
Asperitas succi nomen iniqua dedit.

Pomus rancidula.

Quæ data Phœbeis, eadem mihi gloria, ramis;
Deque meo semper cespite poma virent.

Mala

Mala Cidonia.

Prima genas vestit nobis lanugo, nec villo
Asperior posthac tempore barba venit.

Ficus.

Bis ego do fructum: primum fuge: carpe secundum,
Autumno comitem quem videt vua sibi.

Amigdala.

Perside Demophoon, durum pro Phylide truncum
Excipe, dum patria serus ab vrbe redis.

Castanea.

Qui viuit sterili pauper montanus in agro,
Pauperior, si me non habuisset, erat.

Persica.

Quæ fecit nomen, solùm nos Persida vitat:
Grata alijs, nunc peris acerba sumus.


Nux.

Flos quoties nostris ramis cumulatus inhæret,
Et superant fatus, arca diues erit.

Facetum.

Deucalionis redierunt temporis imbres:
Vno mista vado stercora cuncta natant.

FINIS.



005265098

KONSERVIERT DURCH
ÖSTERREICHISCHE FLORENZHILFE
WIEN 1967

FUM